


光道

遵義府志

(二)







光道

遵

義

府

志

(二)



M  
K297.3  
70  
2

光道  
遵義府志  
(二)

凱里學院圖書館  
藏書



0658632



清·平翰

等修

鄭珍 莫友芝

纂

光道二十一年刻本

四十八卷首一卷

上海圖書館藏



宦績一

宋人州郡之書皆著宦蹟錄紀賢而不載暴章直道  
繫謳思蓋與史傳異也遵義自漢及明中間或統治  
或分理或芟蕩夷砦或鏟平巨兇皆世著令聞功德  
斯士

國家簡任攸司二百年來在在者孰賢孰能在眾口若  
數黑白愚氓顧可欺耶人言可無畏耶今採次前代  
凡著績郡地者遐稽博考彙為一篇改流後監司守  
土既專管轄析編第二至各姓士官別系專傳其間

遵義府志

卷二十九

宦績一

稱遺愛者亦略書名概俾同一科云

周秦

李冰 史記河渠書於蜀蜀守冰鑿離堆避沫水  
之害穿二江成都之中此渠皆可行舟有餘則用既  
浸百姓饗其利至於所過往往引其水益用溉田疇  
之渠以萬億計註漢書曰冰姓李犇陽國志周滅後  
秦孝文王以李冰為蜀守續文獻通考元至順元年  
封冰聖德廣裕英惠王子二郎英烈昭惠顯靈仁祐  
王舊四川通志冰子二郎助父治水厥功懋焉我  
雍正五年封冰為敷澤興濟通祐王二郎為承續廣

惠顯英王

漢

吳霸 華陽國志武帝拜唐蒙為都尉開非柯因  
斬竹王置牂柯郡以吳霸為太守後夷濮阻城怨恨  
竹王非血氣所生求立後嗣霸表封其三子列侯  
志請封其三子為侯濮夷懼服

陳立 前漢書西南夷傳成帝河平中夜郎正興  
與鈞町王禹漏卧侯俞更舉兵相攻牂柯太守請發  
兵誅興等議者以為道遠不可擊迺遣大中大夫蜀  
郡張匡持節和解興等不從命刻木象漢吏立道旁

遵義府志

卷二十九

宦績一

二

射之社欽說大將軍王鳳選任職太守鳳子是薦金  
城司馬陳立為牂柯太守立者臨邛人前為連然長  
不韋令蠻夷畏之及至牂柯諭告夜郎王興興不從  
命立請誅之未報迺從吏數十人出行縣至興國且  
同亭召興興將數千人往至亭從邑君數十人入見  
立立數責因斷頭邑君曰將軍誅亡狀為民除害願  
出曉士眾以興頭示之皆釋兵降鈞町王禹漏卧侯  
俞震恐人粟千斛牛羊勞吏士立還歸都興妻父翁  
指與興子邪務收餘兵迫脅旁二十二邑反至多立  
秦募諸夷與都尉長史分將攻翁指等翁指據阨為



壘立使奇兵絕其讓道縱反間以誘其眾都尉萬年曰兵久不決費不可其引兵獨進敗走趨立營立怒叱戲下命格之都尉復還戰立引兵救之時天大旱立攻絕其水道蠻夷共斬翁指持首出降立已平定西夷徵詣京師會巴郡有盜賊復以立為巴郡太守秩中二千石居賜爵左庶長徙為天水太守勸民農桑為天下最賜金四十斤入為左曹衛將軍護軍都尉卒官華陽國志序志左衛護軍陳立字少遷歷牂柯巴郡天水三郡太守治為天下最

遵義府志

卷二十九

官續一

三

遵義府志

卷二十九

官續一

四

董氏與郡功曹謝暹保境為漢乃遣使從番禺江奉貢光武嘉之並加褒賞華陽國志聞世祖在河北乃遣使使由番禺江出奉貢漢朝世祖嘉之號為義郎劉寵 華陽國志字世信縣竹人出自孤微以明公丰春秋上計闕下除成都令政教明肅時諸縣多難治乃換寵為郫令又換鄭安漢皆垂績還在成都遷牂柯太守初乘一馬之官布衣疏食儉以為教居郡九年乘之而還吏人為之立銘王商陳實當世貴士皆與為友 按士女讚作劉寵而蜀志作龐事同名異未詳孰

是

張亮則 華陽國志字元修南鄭人也為牂柯太守威著南土永昌越嶲夷謀欲反畏則換臨其郡相諫而止號曰卧虎以成狄勳遷護羌校尉 朱博 漢書本傳字子元杜陵人遷大司農坐法左遷犍為太守先是南蠻若兒數為寇盜博厚結其昆弟使為反間襲殺之郡中清哀帝初為大司空丞相以罪召詣獄自殺 朱遵 華陽國志蜀志犍為郡公孫述有蜀郡拒守述伐之郡功曹朱遵逆戰眾寡不敵遵絆馬死戰

遂為述所并又曰其忠貞則朱遵絆馬必死又序志忠壯復漢將軍朱遵字孝仲武陽人 費詩 三國志本傳字公舉犍為南安人劉璋時為縣竹令先主領益州牧以詩為督軍從事出為牂柯太守還為益州前部司馬後羣臣議欲推漢中王稱尊號詩上疏忤旨左遷部永昌從事建興三年從諸葛亮南行蔣琬秉政以詩為諫議大夫卒于家 馬忠 三國志本傳字德信閬中人少養外家姓狐名篤後乃復姓改名忠妻安未與羣廉除漢昌長先主東征巴西太守問芝發諸縣兵五千人以補遺



關道忠送往先主已還永安見志與語謂劉巴曰雖  
亡黃權復得狐篤此為世不之賢也建興三年入  
南拜忠牂柯太守郡丞朱褒反叛亂之後忠撫育郵  
理甚有威惠八年召為丞相參軍明年亮出祁山忠  
詣亮所經營戎事軍還督將軍張疑等討汶山郡叛  
羌十一年南夷豪帥劉胄反擾亂諸郡徵庾降都督  
張翼還以忠代翼遂斬胄平南土封博陽亭侯初建  
寧郡都督常駐平夷越嶲郡亦久失土地忠開復舊  
郡延熙五年還朝加拜鎮南大將軍七年春費禕北  
禦魏雷忠成都平尚書事禕還忠乃歸南十二年卒

遵義府志

卷二十九

臣績一

五

子修嗣忠為人寬濟有度量但詎調大笑忿怒不形  
於色然處事能斷威恩并用是以蠻夷畏而愛之及  
卒莫不自致喪庭流涕盡哀為之立廟祀迄今猶在  
華陽國志南中志牂柯郡其郡守垂坊名者前有吳  
霸陳立後有漢中張亮則廣漢劉寵捷為費詩巴西  
馬忠皆著勳烈

晉

何隨 華陽國志字季業蜀郡郫人漢司空何武

後世有名德徵聘入官隨治韓詩歐陽尚書研精文

緯通星歷郡命功曹州辟從事光祿郎中主簿除安

漢令弔亡去官大同後臺召不詣除河間王邸中不  
就居貧固儉衣弊蔬食書躬耕耨夕修講誦著譚言  
十篇論道德仁義太康中即家拜江陽太守民思其  
政年七十一卒官後州鄉人言議平當者皆相謂何  
江陽至于汝山夷有正直廉讓者亦號夷中何江陽  
杜景文何興仁皆為作傳

遵義府志

卷二十九

臣績一

六

侯 馥 華陽國志字世明江陽人也察孝廉平西  
太守又後賢志目錄牂柯太守毛楚枳人通志為夷  
人所信服

參軍 薨後巴郡亂避地入牂柯州刺史王遜鎮  
平西將軍復取為參軍遜議欲遷牂柯太守謝恕為  
涪陵太守出屯巴郡之把口表馥為江陽太守住江  
陽之泚源撫郵蠻獠克復江陵請通長江維征東大  
將軍李恭已在江陽馥招降夷獠修繕舟艦為進取  
計預白遜請軍移恕俱出涪陵不能自前恭舉眾攻  
馥眾寡不敵為恭所破獲生虜馥送雄下廷尉責  
曰事君有死無二其次破家與國今縱不死又無益  
國灰汲其分守心而已無他顧望雄必欲屈之使馥  
同郡人張迎曉喻之馥怒罵迎曰吾等國亡不能存



大難不能死，代自海內何面目相見也。且王寧州治亂才也，以吾有桑梓之取，故遠上尚書，遣吾討賊，受命之日，實忘寢食，但裁船未辦，請軍未至，盡揣不及為他所先，當滅身隕碎，以謝不及，冀上不負日月，下不愧王侯。吾豈苟生如卿兒女之人乎？迎還白雄，雄義而赦之。時雄眾寇所獲，獫為太守，建寧魏紀、漢國太守梓潼文琰、巴郡太守巴西黃龕、涪陵太守巴西趙弼、永昌謝俊、牂柯文猛，皆區區稽顙，無如馥者數年卒。

遵義府志

卷二十九

宦績一

七

按通志列馥人物云：牂柯人，因華陽志，僻地牂柯

而誤不足據。又載有董霸，云永嘉中以平樂太守破牂柯平夷等地。考華陽國志曰：獫為大守，雷炤流民陰貢平樂太守董霸，破牂柯平夷、南廣、北隆。李雄是霸乃叛賊，今特削之。

又按通志遵義名宦列晉母雅云：巴郡臨江人，時西南夷強悍不靖，以雅為夜郎太守，殊俗感而化之。一統志亦然，作母稚考晉之夜郎郡治夜郎縣，地在今烏江東，與遵義無涉，不應載其太守去之。

唐

遵義府志

卷二十九

宦績一

八

牛騰，太平廣記百十二引紀聞，字思遠，朝散大夫，郟城令，棄官從好，精心釋教，從其志者終身常慕陶潛。五柳先生之號，故自稱布衣。公子即侍中中書令河東侯炎之甥，未弱冠，明經擢第，再選右衛門曹參軍。少挺異操，清儉自守，德業過人。故王勃等皆出其門。下年壯而侯遇害，謫為牂柯建安丞。至牂柯，素秉誠信，篤敬佛道，雖已婚宦，如戒僧焉。口不妄談，目不妄視，言無偽行，無頗以是夷獠漸漬，其化遂大。布釋教于牂柯中，常攝郡長吏置道場，數處居三年而莊州獠反，轉入牂柯郡人皆殺長吏以應之。建

安大豪起兵相應，乃劫騰坐于樹下，將加戮焉。忽有夷人持刀斬守者，頭乃誓曰：縣丞至惠，汝何忍害若人？因置騰于籠中，令力者負而走。于是兼以孳免事，解後郡以狀聞，詔書還公事，許其還歸。後宰數邑，皆計日受俸，其清無以加。

羅榮

楊端 二人詳士官傳

宋

田景遷 詳士官傳

李九則 通志字垂範，濟州團練使，謙溥子，太平興

國七年權開門使高溪蠻田彥伊入寇遣詣辰州與  
轉運使張素荆南劉昌言議允則以蠻徼不記如兵  
悉招輯之稜允則宋史有傳

熊本 宋史本傳字伯通番陽人兒時知學郡守  
范仲淹異其文進士上第為撫州軍事判官稍遷秘  
書丞知建德縣提舉淮南常平檢正中書禮房事六  
年瀘川羅晏夷叛詔察訪梓夔得以便宜治夷事本  
嘗通判戎州習其俗謂彼能擾邊者介十二村豪為  
鄉導爾以計致百餘人梟之瀘州其徒股栗願矢死  
自贖本請于朝罷以刺史巡檢之秩明示勸賞皆踊

遵義府志

卷二十九

官續一

九

順命獨可陰一酋不至本合晏州十九姓之眾發  
黔南義軍強弩遣大將王宣賈昌言率以進討賊悉  
力旅拒敗之黃葛下追奔深入柯陰窘乞降盡籍丁  
口土田及其重寶善馬歸之公上受貢職于是烏蠻  
羅氏鬼王諸夷皆從風而靡願世為漢官奴遷刑部  
員外郎集賢殿修撰同判司農寺神宗勞之曰卿不  
傷財不害民一旦去百年之患至干檄奏詳明近時  
鮮麗焉賜三品服西南用兵蠻中始此渝州南川獠  
木斗叛詔本安撫本進營銅佛頃扼其亢焚積聚以  
破其黨木斗氣索舉溱州地五百里來歸為四砦九

堡建銅佛頃為南平軍初熟猴王仁貴以本斗親整  
獄本釋其縛置麾下至是摧鋒先登大臣議加本天  
章閣待制帝曰本之文朕所自當典書命遂知制  
誥出分司西京居三年起知涇州改廣州詔為工部  
侍郎宜州蠻擾邊道除龍圖閣待制知桂州至則諭  
溪洞酋長戒邊吏勿生事請選將練兵代戍益中馬  
以足騎兵宜州無事民蔡寶珍扇龍蕃與峒戶相  
仇殺欲引兵致討以為功本質之色動縛而投之海  
蠻夷以為神

王光祖 宏簡錄字君俞涇原將珪之子也為真定

遵義府志

卷二十九

官續一

十

鈐轄命與內藏庫使楊萬皆受熊本節度征討渝獠  
分三道進師本疑光祖不為用使將後軍出黃沙坎  
比發日已暮夜半抵絕頂質明療望見大駭一鼓而  
潰萬等困於松谿又亟往援出石門斂其險促黔兵  
先登賊舍而去光祖夜泊松嶺上旦始遇萬遂與俱  
還本愧謝上其功第一瀘州夷乞弟犯邊寇戎州兵  
官王宣等戰沒詔光祖從韓在寶會兵討之軍于梅  
嶺夷屯數萬眾欲老我師光祖勸存實早決戰不聽  
林廣至復從征蕩其巢穴積功至四方館使和瀘州  
初道瀘南安撫使俾兼領邊事聽顯決遷客省使嘉



原  
书  
缺  
页

于統志所書嘉只事一語不及知明始修統志時  
特就楊氏所呈載之後人相沿不察以致賢否混  
淆又明初獻地楊鑑諸人本無可稱徒以率先歸  
附遂爾濫廁今並削之其本末具士官傳

江彥清 宋史忠義許彪孫傳咸淳二年北兵取開

州德祐元年瀘守梅應春殺判官李丁孫推官唐奎

端以城降珍州守將江彥清巷戰死之四川舊志彥

清巴州人瀘守梅應春以城降元元兵併力攻珍珍

城陷巷戰死

按通志列彥清元代非又明統志稱彥清守珍州

遵義府志 卷二十九 宦績 五

通志沿之稱為珍州守亦誤

元

李德輝 牧算集李忠宣行狀字仲實世居通之潞

縣既就外傳嗜讀書束于貧無以自資輟業十六監

酒豐州已乃厭糟翹嘆曰志士顧安此耶仕不足以

匡君福民隱不足以歡親善身兩間之間人壽幾何

烏可無或有聞死同腐草木也絕少年輩不游召其

所觀與率一時名公碩儒歲丁未用太傅劉秉忠荐

徵至潛藩俾侍今皇太子講讀至元八年授中奉大

夫參知北京行尚書省事九年罷尚書省以故官參

知北京行中書省事皇子安西王有土關中之明年  
奏求輔已改安西王相明年詔以王相撫蜀其年重

慶猶城守東西川各開樞府合兵數萬圍之德輝元

公今改至成都兩府爭遣使咨受兵食方略德輝危

語動之曰宋今既亡重慶以巨擘之地不降何歸正

以公輩利其剽殺不得有子女懼而不來耳不然他

日兵未嘗戰及招討畢某偕中使奉璽書來赦最宜

正言明告嚴備止攻以須其至反購得軍吏杖之為

偽得罪懷之入降水陸之師雷鼓繼進實擊其不下

也中使不喻詐計竟以不奉明詔反命如是者皆公

遵義府志 卷二十九 宦績 五

輩玩寇疆場心迹之著白者况復軍政不一相訾紛

紛朝夕敗矣豈能必成功為哉兩府多致金帛子女

為謝曰戎捷與人法令所不禁也讓不受出未至秦

瀘州畔而重慶圍果潰再退守瀘州十三年秋也明

年詔為西川副樞兼王相大軍既發畱成都供億食

纜支半月賦粟繼之官船不足括商民船千艘日夜

督運其年復瀘州十五年重慶之圍再合踰月即下

紹興南平夔施思播諸山壁水柵隨之皆下而東樞

府猶故將也懲前與四川相觀望致敗惡相屬願獨

軍圍合州初德輝以為重慶帥聞受圍必徵諸屬州



兵盡銳拒守合州宜虛誠使謀人持書曉之兵隨其後卽出合俘繫順慶獄者縱之使歸語州將張珩以天子威德遠布宋室淪亡三官皆北又頒聖量含宏錄功忘過能早自歸必取將相與夏呂比又爲書反覆數千百言又約書言爲檄刊木于山浮板于江珩未及報還王邸至是合遣李興張邵十二人者詞事成都皆獲之當斬復爲書縱歸使諭其將王立其言如喻珩者興至立亦計夙與東府有深怨懼復興等導帥幹楊獬獲蠟書間至成都降德輝從兵纔數百人赴之東府害其來爭有言立珩牙校也習狙詐

遵義府志

卷二十九

宦績一

五

不信人特以計致公來使與吾爭垂成之功延命晷刻耳未必定降定降公冒吾圍而來受何物視我必不汝進德輝曰吾非攘若功者誠懼汝憤其後服誣以嘗抗暉先朝利其剽奪快心於屠城也吾爲國活此民豈計汝嫌怒爲哉卽單舸濟江薄城下呼立出降安集其民而罷置其吏立德之輿金玉飾少艾爲謝曰若以吾爲是來耶吾無事乎此其持往餽之東府合人自立而下家繪事之川蜀平復以王相還邸十七年詔與南省參政程某卽其地聽思播湖南所訟鎮遠王平田會西南夷羅氏鬼國叛別詔雲南河

南四川合兵三萬人誅之前茅及境矣德輝曰蠻夷無親爲俗資負始由邊將撫之失策積怨以叛好事之臣請加兵誅旁諸小夷洵懼相攬繼叛者必眾恐非直三萬人能歲月平也吾賴天子仁聖馳一介之使招之可坐俟其徠豈必煩兵不及以聞遣安珩止三道兵張孝思諭鬼國降其酋阿齊熟公名問曰是活合李公耶其人明信可恃卽日受命身至播州降語且泣曰吾屬百萬人非公惠活寧鬪死不降事畢驛聞改鬼國爲順元路以其弟阿哩爲宣撫使其年王相府罷十一月二十一日始至黃平是夜也星如

遵義府志

卷二十九

宦績一

六

斗霄館垣外歎曰他日嘗夢去烏江今播水適名烏江與是星皆吾死徵也夫吾嘗誦馬伏波老當益壯之言而奇曹武惠爲將不殺得今活羅鬼馬革裹尸歸何憾二十七日卒後七日資政大夫中書左丞安西行中書省之命下蠻夷望轎車爲位祭且哭者百千人塗所經男女空家咨嗟聚觀合之安撫使立哀經率吏民迎哭傾振山谷爲發百人護喪達興元上聞而悼之贈光祿大夫中書右丞諡忠宣公賜錢二千緡具葬明年僉播州安撫司事何彥抗章請卽州治之東爲廟制曰可薨年六十二元史本傳改鬼國

後有以受鬼國馬千數詣德輝于朝者帝曰是人朕所素知雖一羊不妄受寧有是耶

李嗣宗 明統志至元末播州 戶守禦勇敢善撫兵眾人咸德之

忙古帶 元史耶律忝花傳忙古帶保童之子世祖時賜金符襲父職為隨路新軍總管統領山西兩路新軍從行省也速帶兒征蜀及思播建都諸蠻夷有功陞萬戶後歷宣慰使都元帥卒贈龍虎衛上將軍

平章政事封濮國公諡威愍

何彥清 明統志播州安撫使有政績以安西行省

遵義府志 卷二十九 宣續一 七

左丞李德輝有德於播率其民立廟祀之

按彥清姚燧牧菴集作彥安撫使作僉安撫事名之脫否不可定其官自以安撫僉事為確稱安撫使元史駁文明統志仍之誤

楊邦憲 文子

楊漢英 邦憲子並著有勳德詳土官傳

明 鄭彥文 四川舊通志彭縣人元貴州宣慰使洪武間投誠安撫播貴水西畢節有功擢戶部侍郎守貴州通志山西蔚州人仕元為萬戶人蜀因家焉後陞

工部右侍郎

馮裕 通志臨朐人進士嘉靖中出守石阡時播

凱交惡裕討平之遷副使罷歸

張瓚 明史本傳字宗器孝感人正統十三年進

士授工部主事遷廣東參政轉浙江左布政使十年

冬以右副都御史巡撫四川播州致仕宣慰楊輝言

所屬天壩千灣溪諸寨及重安長官司為生苗竊據

請王師進討詔瓚諭還侵地不服則征之瓚率兵討

定請設安寧宣撫司即授輝子友為宣撫以鎮詔可

賜救弊勞以母老乞歸母已卒會松茂番寇邊詔起

遵義府志 卷二十九 宣續一 六

復視事先後破滅五十二砦賊魁撒哈等皆殲他

百五砦悉獻馬納款諸番盡平瓚功名著西蜀其後

撫蜀者如謝士元輩雖有功不及瓚惟天壩千之役

或言楊輝溺愛庶長子友欲官之詐言生苗為亂瓚

信而興師其功不無矯飾云

蔡潮 明史鄒文盛傳正德十一年文盛以右副

都御史巡撫貴州四川土舍重安馮綸與凱里楊宏

有怨宏卒綸糾諸苗相讎殺侵軼貴州境遣參議蔡

潮詣播州督宣慰楊斌撫定之請復設安寧宣撫司

以宏子襲而錄潮功尚書王瓊以專擅為湖罪不敘



石邦憲 明史本傳字希尹貴州清平衛人嘉靖七年嗣世職爲指揮使累功進署都指揮僉事充銅仁參將進總兵官鎮貴州播州宣慰楊烈殺長官王黼黼黨李保等治兵相攻且十年總督馮岳與邦憲討平之播州苗盧阿項爲亂邦憲以兵七千編後渡江直抵磨子崖策賊必夜襲先設備賊至擊敗之賊求援於播州吳鯤諸將懼邦憲曰水西宣慰安萬銓播州所畏也吾調水西兵攻烏江聲揚烈縱鯤助逆罪烈奚暇救人乎已水西兵至邦憲進逼其巢乘風縱火斬關而登賊大奔潰禽賊首父子斬獲四百七十

遵義府志 卷二十九 宦績一 九

餘人進署都督同知播州容山副長官土舍韓甸與正長官土舍張問相攻甸屢勝遂糾生苗剽湖貴境垂二十年問亦糾黨自助邦憲討之斬百餘人問潛出被獲官軍乘勝入甸巢會暮大雨迷失道守備葉勳百戶魏國相等陷伏中死焉邦憲奪圍出還軍鎮遠再征之賊沿江守邦憲佯與爭而別自上流三十里編竹以渡水陸並進大破之斬甸容山平進右都督已又破白泥土官楊贊及苗酋龍力水等部內帖然邦憲生長黔土熟苗情善用兵大小數十百戰無不摧破所得俸賜悉以饗士家無贏資爲總兵官十

七年威鎮蠻中與四川何卿廉西沈希儀並稱一時名將卒官贈左都督

越昇 通志宣慰司人宣德間以經明行修召將授館職會播州宣慰司求明經師化夷遂授昇播州司訓導卒

楊禮 毛奇齡蠻司合誌成化二十二年丹章諸苗寇安寧四川參政謝士元副使翟廷蕙都指揮楊綱以兵往過播州詣宣慰愛家置酒高會翼日視學

適州民賚社士元等坐學宮臨觀愛復攜酒至訓導楊禮艷然曰視學而觀社提兵而樂酒略等威而款

遵義府志 卷二十九 宦績一 三

下屬竊爲明公恥之士元等大慚而起

李崧祥 江南通志貴池人正德甲戌進士累遷四川布政使時世廟多營建蜀民困採木之役崧祥入

覲抗疏止之因忤用事者致仕歸

龔輝 獻徵錄字實卿餘姚人嘉靖癸未進士授工部主事以營仁壽宮命督木四川得大木五千餘

根板枋如之部劄欲再倍其數公私俱困民情洶河

輝乃繪山川險惡轉運艱苦狀一十五圖各爲貼說

具奏命停止歷陞至工部右侍郎致仕

潘貞 江南通志字景徵天順進士累進四川按察

潘貞 江南通志字景徵天順進士累進四川按察

使陞布政司貴州苗亂徵兵糧于蜀開府罔知所措  
貞請以苗攻苗發播州之卒應之

楊國柱 李廷棟 萬曆二十七年二月楊應龍敗  
官軍於飛練堡二人死之詳後李化龍傳

房家寵 張良賢 陳志二將於萬曆中以參將同  
守綦江禦播血戰數十竟以眾寡不敵城陷皆死之

二將死討播之旨始決云

譚希思 湖南通志字子誠茶陵進士晉右副都御  
史巡撫四川時播州逆節未露廷議主勒希思獨主

撫云不忍枯萬骨以邀上賞

遵義府志 卷二十九 宦績一 五

艾穆 明史本傳字和父平江人以鄉舉署阜城  
教諭入為國子助教萬曆初擢刑部主事進員外郎

屢遷太僕少卿十九年秋擢右僉都御史巡撫四川  
有告播州宣慰使楊應龍叛者貴州巡撫葉夢熊請

征之蜀人多言應龍強未易輕舉穆亦不欲加兵與  
夢熊異朝命兩撫臣會勘應龍不願赴貴州乃逮至

重慶對簿論斬輸贖放之還穆病歸未幾卒後應龍  
復叛議者追咎穆奪其職

沈瑞臨 舊浙江通志字夢錫萬曆丁丑進士陞四  
川按察司僉事備兵川東時楊應龍煽動瑞臨練兵

訓武以計拊循之終瑞臨任應龍不敢叛未幾以母  
老終養杜門歛跡精研濂洛之書以承絕學學者稱  
約菴先生

王士琦 明史王宗沐傳臨海人子士琦進士重慶  
知府播州宣慰使楊應龍叛承總督邢玠檄至松坎

撫定之遂進兵備副使治其地尋擢河南右布政使  
坐應龍復叛降湖廣右參政

蒲林 舊綦江縣志萬曆二十二年甲午參將郭  
成總兵劉承嗣征楊應龍至白石口敗績事聞命制

府勦撫屢遣官諭以禍福酋負固不出再命綦江縣  
知縣蒲林往龍素馨服林見單騎至倒戈以迎隨面

宣德意約其降待以不死應龍俯首聽命制府尋委  
監司同林往松坎就勘皆款服竟從寬典乃議於安

穩設安邊同知即以林陞任應龍旋又擾扶歡坦等  
處林奮身往追即捲甲去明年秦民袁子昇為賊大

伏適繫合江縣獄賊發兵圍之指索子昇當事遣林  
往林說合江出子昇棄一秦囚保全眾億讒忌者即

騰謗詔下本省逮勘以此去任而賊益無忌矣綦江  
縣志林字小山陝西咸陽舉人知綦江凡七載廷議

松坎添設安邊廳即以林陞授林在安邊同知甫一

遵義府志 卷二十九 宦績一 五



載孫紹禹蒲公去思碑丙申陞安邊同知丁酉以讒  
忌云任

李化龍 明史本傳字子田長垣人萬曆二年進士

二十七年總督湖廣川貴軍務兼巡撫四川討播州

叛臣楊應龍應龍之先曰楊鏗明初內附授宣慰使

應龍性猜狠嗜殺數從征調恃功驕蹇知川兵脆弱

陰有據蜀志間出剽州縣雙小妻田唯鳳讒殺妻張

氏屠其家用誅罰立威所屬五司七姓不堪其害走

貴州告變巡撫葉夢熊疏請大征詔不聽逮繫重慶

獄應龍詭將兵征倭自效得脫歸復逮不出四川巡

撫王繼光發兵討覆於白石應龍委罪諸苗朝廷命

邢玠總督值東西用兵勢未能窮治因招撫之應龍

益結生苗奪五司七姓地並湖貴四十八屯以界之

歲出侵掠是年二月敗官軍於飛練堡都司楊國柱

指揮李廷棟等皆死已復破綦江殺參將房嘉龍遊

擊張良賢投屍蔽江下偽軍師孫時泰請直取重慶

搗成都劫蜀王為質而應龍遷延聲言爭地界冀曲

赦如曩時化龍至成都徵兵未至亦謬為好語縻之

帝聞綦江破大怒追褫前四川貴州巡撫譚希思江

遵義府志

卷二十九

官續一

三

湖貴路又焚龍泉走都司楊惟忠化龍劾諸大帥不  
用命者沈尙文逮治童元鎮劉綬皆革職充為事官

諸軍大集化龍先檄水西兵三萬守貴州斷招苗路

乃移重慶大誓文武明年二月分八道進兵川師四

路總兵官劉綬由綦江總兵官馬孔英由南川總兵

官吳廣由合江副將曹希彬受廣節制由永寧黔師

三路總兵官童元鎮由烏江參將朱鶴齡受元鎮節

制統宣慰使安疆臣由沙溪總兵官李應祥由興隆

楚師一路分兩翼總兵官陳璘由偏橋副總兵陳良

玘受璘節制由龍泉每路兵三萬官兵三之土司七

之貴州巡撫郭子章駐貴陽湖廣巡撫支可大移沅

州化龍自將軍策應帝以楚地遼闊又擢江鐸為僉

都御史巡撫偏沅湖廣設偏沅巡撫自鐸始也推官

高折枝先以南川兵進據桑木鎮綬復自綦江入應

龍以勁兵二萬屬其子朝棟曰爾破綦江馳南川盡

焚積聚彼無能為也比抗諸路兵皆大敗應龍頓足

歎曰吾不用時泰計今死矣或言水西佐賊化龍詰

之疆臣斬賊使二氏交遂絕烏江兵敗績逮下元鎮

于理諸將益奮綬先入婁山關直抵海龍固璘疆臣

遵義府志

卷二十九

官續一

五

使焚書以綖與應龍有舊諭無通賊綖械其人以自  
明八路兵皆會圍下築長圍困之更番迭攻六月綖  
破土月二城應龍窘與二妾俱縊明晨官軍入城七  
子皆被執詔磔應龍屍並子朝棟于市自出師至滅  
賊凡百有十四日播自唐乾符中入楊氏二十九世  
八百餘年至應龍而絕以其地置遵義平越二府分  
屬川貴化龍初聞父喪以金革起復至是乞歸終制  
起工部右侍郎總理河道再以憂去未代敘前平播  
功晉兵部尚書加少保廕一子世錦衣指揮使三十  
五年起戎政尚書一品秩滿加柱國少傅兼太子太

遵義府志

卷二十九

宦績一

五

保卒官年七十諡襄毅贈少師加贈太師化龍具文  
武才播州之役以劉綖驕蹇先摧挫之而薦其才故  
綖為盡力

劉綖

明史本傳字省吾都督顯子勇敢有父風

用蔭為指揮使萬曆初從顯討九絲蠻以功遷雲南  
迤西守備十年冬緬甸犯永昌騰越明年擢綖游擊  
將軍綖生擒其魁雲南平進副總兵兵還甲而謀詔  
革綖任以游擊候調尋用為廣西參將移四川二十  
年召授五軍三營參將會朝鮮用師綖請率川兵五  
千赴援詔以副總兵從征還屬播酋楊應龍作亂擢

遵義府志

卷二十九

宦績一

五

綖四川總兵官尋以應龍輸款而青海寇擾特設臨  
洮總兵官移綖任之二十四年火落赤等掠番窺內  
地告捷綖等進秩子蔭有差明年朝鮮再用師破之  
進綖都督同知世蔭千戶遂移征楊應龍會四川總  
兵官萬鏊罷即以綖代之時分兵八道川居其四川  
東又分為二以綦道最要令綖當之應龍熟綖才頗  
懼益兵守要害二十八年正月諸將克丁山銅鼓巖  
村遂直搗楠木山羊簡臺三峒峒絕險賊將穆照等  
率眾數萬連營諸將憚之綖分兵攻其三面大戰于  
李漢壩生擒其魁餘賊奔入峒乘勢克三關直搗峒  
前焚之賊多死盡克三峒擒穆照及賊魁吳尚華是  
日綖督戰左持金右挺劍大呼曰用命者賞不用命  
者齒劍鬪死者四十人遂大捷應龍乃遣子朝棟維  
棟及其黨楊珠統銳卒數萬由松坎魚渡羅古池三  
道並進綖伏萬人羅古待松坎賊以萬人伏營外待  
魚渡賊而別以一軍策應賊果至伏盡起綖率部下  
轉戰斬首數百追奔五十里賊聚守石虎關綖亦掘  
塹守初綖聞征播命還留多設難以要朝廷言官交  
劾議調南京右府僉書綖至是聞之即辭任總督李  
化龍以平播非綖不可留留之力薦於朝乃復受事



踰夜則舊城攻克賊于滴淚三坡瓦窑坪石虎諸  
直抵婁山關婁山萬峯插天叢箐中一徑纜數尺賊  
設木關十三座排柵置深坑百險俱備縱分奇兵爲  
左右路間道趨關後而自督大軍仰攻奪其關追至  
永安莊兩路軍少會縱老將持重慮賊衝突聯諸營  
一據婁山關爲老營一據白石口爲腰營一據永安  
莊爲前營都指揮王芬者勇而寡謀每戰輒請爲前  
鋒屢勝有輕敵心獨營松門壩之衝距大營數里賊  
方有烏江之勝謀再奪婁山適穆照遣使洩芬孤軍  
狀賊乃襲殺芬守備陳大剛天全招討楊愈亦死失

遵義府志 卷二十九 宦績一 七

亡士卒二千八縱聞親率騎往救部將周以德周敦  
吉分兩翼夾攻賊始大奔追至養馬城而還是日應  
龍幾被獲乃不敢窺婁山縱懲前失劄近關堅壁且  
請濟師踰十日克後水圍營于冠子山尋會馬孔英  
吳廣諸軍逼海龍圍下與諸將其平賊縱功爲多初  
李化龍薦縱言官謂縱嘗納應龍賄使使贖玉帶一  
黃金百白金千投化龍家爲化龍父所叱投巡按御  
史崔景榮家亦如之化龍景榮竝奏其事詔革縱任  
永不收錄沒其物于官已錄平播功進左都督世廕  
指揮使縱於諸將中最驍勇所用水鏡刀百二十斤

馬上輪轉如飛天下稱劉大刀天啟初贈少保世廕  
指揮僉事立祠曰表忠殉節諸臣錄左軍都督府左  
軍都督僉書府事總兵官劉縱南昌人於諸將中最  
驍勇歷平九絲蠻緬甸羅維朝鮮倭播州建昌諸寇  
大小數百戰威名甚著萬曆四十六年四路出師由  
寬佃道進與

大兵戰於阿布達哩岡兵潰戰死有養子招孫突圍出手  
格殺數人力竭死之乾隆四十一年

賜諡忠壯劉縱上揭子及征播州夜郎等咽喉地共五十四  
里除八省兵馬及陳璘吳廣等五大將止得一十六

遵義府志 卷二十九 宦績一 七

里外職獨得三十八里攻克四圍三關後攻鐵柱關  
並三十六步其滾杆礮石如雨兵一攔及卽成齏粉  
至十餘日不克不得已職挺身出班與諸道計議軟  
血同盟將陳吳李三總兵後路借讓一路地方與職  
進攻大兵原帶三萬職止帶五千不二日間卽破險  
固三將下現有兵十餘萬所以能克者有當年章疏  
塘報及征播全書可考凡此征討已經撫按具題經  
今三年未蒙核紀夫此舉若以謂功也自宜頒賞以  
示勸若謂功不足錄亦當明示以免官兵雲霓之望  
乃所掃除者凶慙所開拓者土地而不以爲功後將

何以使人用命乎故今日非職自侈其功而必云爾者蓋因向年東征云云而征播軍門懸四十萬之賞而職同官兵所領止得六萬破楊會海龍老圃之後而其餘賞銀竟化爲烏有矣劉氏武功世錄經本宗侍御史龔杞後父顯贊於劉從其姓後請復姓神宗不許謂復姓則掩乃父功欽賜姓劉卒年六十七其平播時賜功賞銀四千二百兩止給二千兩其餘二千二百兩以遵義仁懷田土酬折作賞後次子佐官貴州都司崇禎中歸居緹功田之在合江者

馬孔英 高折枝 明史馬孔英傳宣府塞外降丁

遵義府志 卷二十九 宦績一 元

也積戰功爲寧夏參將萬曆二十四年擢都督僉事會大征播州楊應龍詔發陝西四鎮兵令孔英將以往兵分八道孔英道南川獨險遠去應龍海龍圍六七百里未至重慶推官高折枝監紀軍事請獨當一面乃與參將周國柱先以石砭宣撫馬千乘兵破賊金筑復督酉陽宣撫冉御龍敗賊于官壩孔英至軍平茶邑梅兵亦集軍容甚壯先師期一日入真州用土官鄭葵路麟爲鄉道別遣邊兵千扼明月關諸軍鼓行前連破四寨次赤崖抵清水坪封寧關破賊營十數逼桑木關關內民降者日千計折枝結三大砦

處之禁殺掠降者日眾賊益孤關爲賊要害山險箐深賊憑高拒乃令千乘御龍出關左右國柱搗其中賊用標槍藥矢銳甚官軍殊死戰奪其關逐北至風坎關賊復大敗連破九杵黑水諸關苦竹羊崖銅鼓諸寨國柱攻金子垵無一人疑有伏焚空砦十九巖兵以待賊果突出擊敗之孔英乃留王之翰兵守白玉臺衛饒道平茶邑梅兵守桑木關而親帥大軍進營金子垵應龍聞桑木關破大懼遣弟世龍及楊珠以銳卒劫之翰營之翰走殺饒卒無算平茶兵來援賊始退孔英還擊世龍復卻裨將劉勝奮擊賊乃奔

遵義府志 卷二十九 宦績一 元

官軍進朗山進蒙子橋深箐蕩賊處處設伏悉勦平之應龍益懼遣其黨詐降謀爲內應折枝盡斬之伏以待珠果夜劫營伏發賊驚潰追奔至高坪已奪賊養馬城直抵海龍第二門下賊守兵益多孔英軍已深入而諸道未有至者酉陽延綏兵皆退賊躡殺官軍六十八人居數日劉綏兵至乃合兵連克海巖海門諸關賊走保固上竟覆滅初總督李化龍尅師期諸將莫利先入孔英所將邊卒及諸土兵皆獷悍監紀折枝勇而有謀故師獨先八道圍海龍諸將以圍後易攻爭走其後孔英獨壁關前錄功進都督同知



世蔭千戶久之以總兵官鎮貴州平金欽定番叛苗生擒首惡阿包阿牙等已而欲襲黃柏山苗苗知之先發敗官兵匿不報又誘執苗酋石阿四稱陣禽冒功爲巡撫胡桂芳所劾罷歸卒陳志折枝固始人以重慶府推官監紀入播身先行陣策勵士馬自播發難以迄蕩平終始不渝敘功第一

吳廣 明史本傳廣東人以武生從軍累著戰功萬曆二十五年以副總兵從劉綎禦倭朝鮮領水軍與陳璘相犄角倭斬甚眾甫班師大征播州擢廣總兵官以一軍出合江副將曹希彬以一軍出永寧受

遵義府志

卷二十九

宦績一

三

廣節制廣屯二郎壩大行招徠賊驍將郭通緒迎戰將士襲走之陶洪安村羅村三砦士官各出降他部來歸數萬廣擇其壯者從軍通緒扼穿巖固廣督土漢軍擊破之劉綎馬孔英已入播廣猶頓二郎總督李化龍趣之乃議分四哨進攻巖門別遣永寧女土官奢世績等督夷兵二千扼桑木埡諸要害以防饜道諸將連破數圍進營母豬塘楊應龍懼令通緒盡發關外兵拒敵廣伏礮手五百於磨槍埡外南岡下而遣裨將趙應科挑戰埡夾兩山中甚隘通緒橫槊衝應科應科佯北通緒追出埡遇伏急旋馬中礮墜

遵義府志

卷二十九

宦績一

三

方躍上他馬伏兵攔刺之殘餘賊大奔官軍逐北賊盡降遂薄巖門徑小止容一騎賊眾萬餘出關拒戰希彬懸賞千金士攀巖競進追至第四關關上男婦盡哭賊黨自殺其魁羅進恩率萬餘人出降其第一關猶拒不下廣乘夜疾進奪其關關內民獻牛酒劉綎馬孔英已入關李應祥陳璘猶在關外廣合希彬軍連戰紅碗水土巖分水關皆捷遂進營水牛塘應龍大懼知廣軍孤深入謀欲襲之乃遣人詐降廣測其詐堅壁以待應龍擁眾三萬直衝大營諸將殊死戰會他將來援賊乃退廣遂與諸道軍逼海龍囤賊詐令婦人乞降突圍上又詐報應龍仰藥死廣信之已知其詐急燒第二關奪三山絕賊樵汲賊益窘旋與陳璘從圍後登應龍急自焚死獲其子朝棟出應龍屍烈焰中廣中毒矢失聲絕而復甦遂以本官鎮四川踰年卒初廣之頓二郎也有言其受賄養寇者詔謫充爲事官後論功贈都督同知世蔭千戶陳璘 明史本傳字朝爵廣東翁源人萬曆初屢進署都指揮僉事二十年朝鮮用兵擢充副總兵官改協守漳潮坐賄石星罷歸二十五年起故官援朝鮮明年擢禦倭總兵官尋令提督水軍論功爲首進

都督同知世應指揮僉事會有征播役命璘為湖廣總兵官由偏橋進副將陳良珙由龍泉受璘節制二十八年二月軍次白泥楊應龍子朝棟率眾二萬渡烏江迎戰璘前禦之而分兩翼躡其後賊少挫追奔至龍溪山賊合四牌賊其拒四牌在江外與江內七牌皆五司遺種九股惡苗素助賊璘廣招撫乃進軍龍溪偵知賊有伏令游擊陳策用火器擊之賊據險矢石雨下璘先登斬小校退者以狗把總吳應龍等陷陣賊大潰退四牌保兒圍璘二裨將逼之中伏璘募死士從應龍等奮擊賊復潰奔據圍嶺夜由山後遁黎明迫及於袁家渡復敗之四牌之賊遂盡三月望諸軍為浮橋渡江知賊將張佑謝朝俸石勝俸等營七牌野猪山璘即夜發抵苦練坪前鋒與戰後軍至夾擊之賊敗逃深箐官軍逐入苦菜關會童元鎮烏江師敗璘懼請退師總督李化龍不可璘乃進營楠木橋次湄潭賊悉聚青蛇長坎瑪瑙保子四圍地皆絕險而青蛇尤甚璘議同日攻則兵力弱止攻一圍則三圍必相助乃先攻三圍次及青蛇良珙師亦來會令伏圍後別以一軍守板角關防賊逸璘督諸將力攻三日賊死傷無算三圍遂下青蛇四面絕

璘圍其三面購死士從瑪瑙後附葛至山背舉礮賊惶駭諸軍進攻焚其茅屋賊退入圍內木石交下將士冒死上毀大柵二重前後擊之賊大敗斬首一千九百有奇七牌之賊亦盡乃分兵六道攻克大小三渡關乘勝抵海龍圍下諸將俱攻圍前獨水西安疆臣攻其後相持四十餘日其下受賊重賄多與通且潛以火藥遺賊故賊不備其後璘知之與監軍者謀令疆臣退一舍璘移其處置鐵牌百餘距圍丈許賊強弩無所施又為籬板於柵前賊每夜出劫為釘傷不敢復出應龍勢窮相聚哭化龍初有令諸將分日攻六月六日璘與吳廣當進兵璘夜四更銜枚上賊斂睡斬其守關者樹白幟鳴礮賊大驚潰散應龍自焚廣軍亦至賊盡平遂移師討皮林皮林在湖貴交與九股苗相接有吳國佐者洪州司特峒寨苗也桀黠無賴其從父大榮以叛誅國佐收其妾黎平府持之急遂反自稱天皇上將其黨石纂太稱太保合攻上黃堡誘敗參將黃冲霄追至永從縣殺守備張世忠爰而噉之掠屯堡七十餘焚五開南城隋永從圍中潮所時方征播州未暇討既平播備沅巡撫江鏗命璘與良珙合兵討之良珙失利明年鏗移駐靖州



命璘率副將李遇文等七道進璘禽苗酋銀貢等游擊宋大斌攻破特峒焚之國佐逃天浦四十八寨復入古州毛洞追獲之石纂太逃廣西上巖山指揮徐時達誘縛之賊黨楊永祿率眾萬餘屯白冲遊擊沈宏猷等夾攻生禽永祿諸苗悉平征播時璘投賄李化龍家會劉綎使為化龍父所麾璘使走化龍疏於朝綎獲罪璘獨免後兵部尚書田樂推璘鎮貴州給事中洪瞻祖遂劾璘營求帝以璘東西積戰功卒如樂議貴東西二路苗曰仲家苗盤踞貴龍平新間為諸苗巨魁在水硯山介銅仁思石者曰山苗紅苗之

龍劾之薦應祥代時分兵八道貴州分烏江興隆二道詔元鎮充為事官由烏江入應祥由興隆人諸道尅二月望進兵應祥未受事副將陳寅等已連克數圍拒賊四牌高四下別遣兵從間道直搗龍水圍他將蔡兆吉又自乾坪抵箐岡過四牌賊首謝朝俸營其地四面峭壁深箐前二關賊從高鼓譟官軍殊死戰俘朝俸妻子乘勢抵河畔會烏江敗書聞斂兵不進者旬日及應祥受任益趣諸將急渡寅等乃取他道渡河而潛為浮橋以濟師諸軍渡賊失險乞降者相繼應祥悉受之賊所恃止黃灘一關壁立眾死守會賊徒石勝俸等率萬餘人降告曰去黃灘三十里有三關入播門戶也先襲破之則黃灘孤難守應祥然其計令偕陳寅率精卒四千夜抵關下勝俸以數十騎誘開門殲其成卒黃灘賊懼寅督諸將渡河攻關前勝俸由墳林暗渡襲關後賊乃大敗應祥直抵海龍圍合諸道兵共滅楊應龍播既平還鎮銅仁明年改鎮四川播遺賊吳洪盧文秀等惡有司法嚴而遵義知縣蕭鳴世失眾心洪等遂稱應龍有子聚眾為亂應祥偕副使傅光宅捕之盡獲應祥尋卒於官以平播功贈左都督世廕千戶應祥為將謀勇兼資

所至奏績平蜀二大寇功最多

童元鎮明史本傳桂林右衛人萬歷中為指揮廣

遷遊擊將軍歷永寧潯梧參將進副總兵擢署都督

僉事為廣西總兵官移鎮貴州二十八年李化龍大

征楊應龍令元鎮督永順鎮雄泗城諸土軍由烏江

進元鎮憚應龍久駐銅仁不進屢趣乃行時劉綎吳

廣諸軍已進羣賊議分兵守其黨孫時泰曰兵分則

力薄乘官軍未集先破其弱者餘自退矣應龍善之

聞元鎮發烏江應龍喜曰此易與耳謀縱之渡江密

以計取監軍按察使楊寅秋言烏江去播不遠宜俟

遵義府志

卷二十九

宦績一

廿六

諸道深入與俱進元鎮不從于是永順兵先奪烏江

賊遣千餘人沿江叫罵以誘之諸軍既濟復奪老君

關前哨參將謝爵乘勢泗城及水西兵再拔河

渡關三月望賊以步騎數千先衝水西軍軍中驅象

出戰賊多傷俄駕象者斃象反走擲火器者又誤擊

已營陣亂泗城兵先走崇爵亦走爭浮橋橋斷殺溺

死者數千人河渡既敗烏江相去六十里猶未知明

日參將楊顯發永順兵三百出哨道遇賊數萬咸為

水西裝永順兵不之疑賊掩殺三百人亦襲其裝直

趨烏江烏江軍信為水西永順軍不設備遂為賊所

破爭先渡江賊先斷浮橋士卒多溺死顯及二子與

焉元鎮所部三萬人存什一將校止崇爵等三人

江水為不流貴陽聞警居民盡避入城遠近震動化

龍用上方劍斬崇爵益徵兵檄鎮雄土官隴澄邀賊

歸路隴澄者即安堯臣水西安疆臣弟也軍不與元

鎮合獨全當事頗疑其通賊寅秋以鎮雄去播止二

日令搗巢立效潯許之河渡未敗時澄已遣部將劉

岳王嘉猷攻拔苦竹關及半壩嶺暨敗二將移新站

賊伏兵大水田別以五千人來襲敗還嘉猷乃揚聲

搗大水田而潛以一軍拔大夫關直抵馬坎斷賊歸

遵義府志

卷二十九

宦績一

廿七

路與疆臣合賊遂遁會都指揮徐成將兵至合泗城

土官岑紹勳兵再克河渡關賊將張守欽袁五受據

長箐萬丈林永順兵擊破之生禽守欽攻清潭洞復

擒五受會朝議責元鎮敗狀令李應祥并將其軍逐

合水西鎮雄諸部直抵海龍圍竟滅賊兵初興元鎮

坐逗遛謫為事官及是逮至京下吏罪當死法司援

前岑溪功謫成烟瘴遇赦廣西巡撫戴耀為請部議

不許竟卒於戍所

江鐸明史李化龍傳鐸字士振仁和人登第在

萬歷二年授刑部主事累官山西按察使擢撫偏沅



夾攻楊應龍有功與郭子章皆廢一子世錦衣指揮  
丁母艱去奪情命留討皮林諸洞蠻平之以勞疾歸  
卒贈兵部右侍郎巡撫偏沅時總督李化龍分八道  
進兵川師四路黔師三路鐸統楚師次黃沙固一路  
分兩翼由白泥由龍泉夾攻板角關破之再進破碼  
磯長坎保子等圍奪楛木關進屯青蛇固遂入三渡  
關乘勝直抵海龍固海龍於諸險中為最賊負隅時  
暑雨甚藜蒿中多重嵐毒霧師深入而餉不繼鐸改  
長運為接運每三十里設營置運卒數千前運未行  
後運已束載而待士乃宿飽破土月二城應龍自縊

遵義府志

卷二十九

宦績一

卅八

論功廢一子世錦衣指揮

王鳴鶴 字羽卿淮陰人林桐題羽卿詩後碑云淮

陰王羽卿帥狼山師討之尋進都督京營汾陽林

桐與之同寅於戎政六師堂一自傾蓋誓心

以進則盡忠無負武夫事業退則角巾方袍為五岳

遊且告予當時與數大將軍進討圍壘時鳴鶴獨當

山右一路為圍師所急之處攻之急賊備之益力周

旋山谿日日熟籌之至六月五日夜起將士萬餘

上固方略誓師以破賊而後朝食遂自橫梁先登漏

下五鼓直透山顛挺身大呼將校勇奮至賊殺之

聲震嶽山谷賊眾披靡一息俱盡乃羽卿遂屏樹以  
俟諸大將軍搜元凶尸擒逆子女妻妾以獻予壯其  
功而與之評曰大兵日仰面進攻賊憑險俯為之備  
攻難守者易也故弗舉羽卿密乘人之不及夜出  
人之不意挺身大呼聲若疾雷之不及掩耳羽卿  
得於法而不囿於法者乎羽卿曰友鳳知言哉遂抵  
掌大笑居無何主上嘉羽卿功命佩征蠻將軍印出  
鎮粵西人臣受知登壇古今奇邁予嘗論盡忠之說  
以別羽卿予尋亦拜命出鎮西川所駐節正播中秋  
初弔海龍山戰場觀形勢問父老咸能指往跡而名

遵義府志

卷二十九

宦績一

卅九

之若山左右則曰王將軍首登路也適當賊進退死

生之地爾石壁間有羽卿詩朗吟東向呼羽卿羽卿

往聞開拓勳宏今幸居守善後慨碧水蒼山之顛

喜燕山海龍之炳映易曰師貞丈人其羽卿哉議形

盧者不知其孰誰因服羽卿不伐名高重各天離析

之感乃寄羽卿曰吾弟兄躬承聖天子臨軒授鉞而

屏翰粵蜀勉旃兩地在今日五岳之盟幸毋忘於異

時友人林桐附題於詩後

按碑在海龍圍詩石已斷蝕不可識特錄林桐書

後見當日平播之功鳴鶴不在繼下而明史不登

姓名亦不見諸家紀載又可見摧此大敵正非陳  
吳二三大將能專其功當時勳名泯沒者固多也  
楊寅秋 通志字義叔泰和人宰相士奇元孫由進  
士歷遷按察使萬歷中討播之役寅秋監黔蜀兵與  
中丞郭子章計用安氏以剪其羽翼乃檄安疆臣率  
所部兵從沙溪入戰於大水田敗之四方兵始合破  
其巢賊平論功寅秋為最以勞卒於官子章為請卹  
立忠勳祠以祀之

遵義府志

卷二十九

宦績一

四

稱長者以嘉靖丁未生時有聲如雷起於寢眾咸辟  
易及長以孝友聞兩尊人疾即減食諸弟貧不能自  
立者必教養俾至於成人皆至仕宦有弟曰孔周孔  
唯官學博姪曰承憲壬辰進士官吏部皆孝友之驗  
也性剛直不喜隨時疾惡甚嚴才大學博於書無所  
不讀而好談王霸之略萬歷丙子中黃輝榜鄉試第  
三名數上春官不第以父年老七十因以戊戌就職  
試銓部第一人補武昌同知祖制簡選天下貢士同  
知祇二人誠重之也到任後興利除害善政不勝書  
聲稱赫然武昌士庶戴之如父母萬歷己亥播州酋

遵義府志

卷二十九

宦績一

空

楊應龍叛廷議川黔楚分路進師以大中丞李化龍  
總之駐重慶大將軍劉綎等繇蜀大將軍陳璘等繇  
楚楚撫江鐸請於朝以孔時 孔時原文皆稱公今改稱名後同 監璘  
軍從白泥入庚子四月破青龍圍三渡關大戰壁大  
水田焚桃溪庄八路俱集海龍圍賊勢急水西酋安  
疆臣與應龍世姻戚亦繇落蒙壁海龍圍後數與賊  
通賊因專力備圍前孔時知之計當事夜易陳璘吳  
廣兵急攻之遂破賊應龍自焚死俘酋子楊國棟等  
庚子六月二十四也大璫陳寧以礦稅奉上命來楚  
寧大得幸能呼吸變冬夏勢甚薰灼楚當事皆欲屈  
已事之孔時力持不可先入謁卒與抗賓主禮比眾  
入惟司李滿朝薦如約璫額之時稅礦驟臻每省各  
有璫而楚璫善聚斂猶當上心故楚稅尤橫舉國騷  
然親王院道束手而已孔時又力禁之遇璫役恣縱  
輒加扑責仍面斥璫投揭兩院求合疏為百姓請命  
不應因列其狀於朝璫大缺望武昌民吳良球家富  
鉅萬田遍郡邑璫利之有所要不遂遂疏球連賊下  
撫院委孔時踏丈良球田又直之得不坐璫忿甚遂  
以阻撓稅法特劾孔時事連滿朝荐上震怒庚子冬  
月遣緹騎逮治方開讀百姓數萬聚哭爭毆緹騎殆



斃又壽瑞署欲甘心焉孔時以身衛瑞泣諭禍福  
瑞得不死因叩頭謝曰初不知瑞是好人也百姓  
擁孔時不得行夜覓漁舟趨金陵赴都下北鎮撫司  
旋改刑部獄吏部尚書孫丕揚都給事中許宏綱給  
事中孫繼善等交章數十上有江漢之間難忘者德  
播箇之役未酌者功之語閣臣葉向高屢疏請釋孔  
時及滿朝荐等俱不省是時上靜攝幾二十載厭聽  
政故瑞惡雖未得肆而孔時之羈禁猶經十三年之  
久也四十年壬子八月聖壽節屆輔臣葉向高疏陳  
目前急務一請補閣部九卿一請起林下廢棄一請

遵義府志

卷二十九

宦績一

聖

釋久繫五臣疏奏杜門不出以去就爭之癸丑春與  
滿朝荐等始得釋又以國本未定投揭內閣事聞欲  
復逮治賴葉輔左右之獲免庚申光宗即位召起天  
啟辛酉補南京刑部郎先是雷都有冤獄不決繫者  
禱於神曰遇卞而明不知何指孔時至立昭雪甲申  
陪典雲南參政時魏瑞擅政孔時鬱鬱不樂方欲有  
所建白銓部郎王任傑以孔時素仇瑞阿忠賢旨左  
遷漢陽府知府越二日疾卒於刑部任未卒前數日  
有大星墜於署臨絕復有聲如雷轟正寢目瞑聲始  
息云南部為之罷市崇禎三年有旨下部議歸卹齋

孫士先傳貧窘格不行其著述甚富詩奇雅雄壯董  
復亨為之序甲申蜀大亂先傳死盡付灰燼惟同郡  
大學士王應熊得其序文一二首錄以傳孔時為人  
頎而長銳上豐下精彩懾人讀書至老不倦負經世  
大略一時謂如漢汲黯宋唐介而才百十過之行事  
襍見神廟紀載惟剛直不阿故坎壞終其身學不遭  
時君子惜之外史氏曰孔時官未一載而勳西南庚  
子六月捷上十二月獻俘甲辰春敘播功文武各進  
級蔭子而孔時即以庚子冬得禍當其忠介不回忘  
身為國豈復有性命功名之念足以動其中與光宗

遵義府志

卷二十九

宦績一

聖

恭已南面天啟閣豎奸鼎得卒官幸也然浩氣一往  
震盪天下才雖不竟夫何傷乎江津縣志祀鄉賢  
郭子章 通志字相奎號青螺泰和人隆慶辛未進  
士萬歷二十七年巡撫貴州歷十年習知民隱凡所  
設施永垂利澤尤善獎拔士類經其品題率成名宿  
著黔記六十卷經濟卓然先是播箇楊應龍作亂王  
師屢征不克天子拊髀廷臣交薦子章四馬入黔增  
兵餉扼要害立賞格士氣百倍興師才百餘日擒應  
龍誅之播州平始經理播州為平越等郡縣未幾復  
有皮林之役功與播等黔人戴恩建生祠七所三十

五年陳情終養疏九上始得請晉兵部尚書

李楷 毛奇齡 繼司合誌貴州誌始播發難時皮

林苗嘗助逆播滅乃結連他寨講營陣攻破永從縣

燬城郭廬舍殺官吏劫獄囚去萬歷二十八年沅撫

江鐸廉指揮李楷智勇請授楷勦事會楷征播還自

謂當便道掃除不煩專兵其明年破之諸洞悉平

張文耀 巴縣志字芝陽湖廣沅陵人萬歷丁丑進

士初任銅梁調巴縣癸未擢御史尋兵備川東平播

之役制撫軍駐節渝城調遣轉輸多賴之播平晉秩

憲長量田賦公私之額盈縮之制皆其更定善後之

遵義府志 卷二十九 宣績一 四

功居多

按通志耀作耀

張棟 陳志萬歷中以參議監軍入播倭儻慷慨

洞曉兵機激發將士破固之日督戰陣前終日不食

竟以勞瘁病凱旋出播百里而卒通志直隸人

王象乾 陳志山東新城人文武家傳最嫻方略以

總督撫蜀善後播事凡播中分設郡縣更置牧守則

壤田賦一切選賢任能使之辦理駐節渝中以監臨

之至於殫心以期復播故疆不啻任若家事尋以外

艱去播人祠祀之四川通志萬歷間播人吳洪嚴揚

應龍後聚眾沙溪連結水西為叛時象乾為四川巡

撫設方略討平之通志字靈宇嘉靖時參議重光孫

隆慶辛未進士萬歷辛丑以總督代李化龍經理善

後事一切皆盡心為之進右都御史父之垣官戶部

左侍郎卒連章告歸瀕行疏水西安氏必叛天啟中

果有安奢之變後進少師兵部尚書卒贈太師

黃如龍 通志鎮遠縣人萬歷間平播州累功官參

將天啟二年從征水西內莊戰沒事聞贈都督僉事

祀忠烈廟

徐大鵬 龍游縣志字翔雲少負膂力麻貴劉綎將

遵義府志 卷二十九 宣績一 五

兵征倭荷戟從之渡海屢戰悉捷播酋楊應龍反綎

往征討以大鵬為前驅直入婁山平其地以功累授

總兵崇禎己巳上書斥兵部尚書張鳳翼誤國首輔

溫體仁黨蔽之罪繫獄將斬會鳳翼得罪遂未減戍

榆林赦歸年九十四終於家

陳大綱 寧波府志大綱世襲寧海衛千戶萬歷二

十八年調征川寇楊應龍至婁山關與賊奮戰陣亡

贈都督僉事廕一子指揮世襲

按大綱明史劉綎傳作大剛

龔萬祿 明史忠義本傳貴州人目不知書有膽志



賜諡烈愍

營力過人從劉綎征楊應龍先登海龍固署守備戍  
建武所奢崇明反官軍敗於江門賊四面來攻萬祿  
力戰三日手刃數十人與子崇學並死詔贈都督僉  
事立祠賜祭世廕百戶殉節諸臣錄乾隆四十一年

李伯山

廬州志萬歷二十六年以廕生從總督李

化龍征播賊累戰功崇禎三年授貴州安順總兵官

七年援勦闖賊于鄖陽陣亡詔贈鎮國將軍諡武肅

傅良諫 巴縣志字忠所江西臨川進士萬歷初知

重慶府廉能有聲遷副使平播之役與有勞焉

遵義府志

卷二十九

宦績一

哭

蕭芬 涇縣志萬歷間以吏目量移大寧主簿播

寇楊應龍叛督師邢玠材徵至軍前芬單騎如

賊營諭以利害遂降之播平題巴縣丞未幾楊酋復

叛欲取重慶芬署巴令任轉運催遣卓有程憲寇滅

陞南川令未任卒

盛世承 江南通志字以烈桐城人萬歷丁丑進士

擢四川左布政使會有事於播播平又為善後策蜀

人賴之

崔景榮

明史本傳字自強長垣人萬歷十一年進

士巡按甘肅湖廣河南最後按四川積臺資十八年

播州亂監大帥劉綎吳廣輩軍挺馳金帛至景榮家  
為其父壽景榮上疏劾之播州平或請以播北昇安  
氏景榮持不可會總督李化龍憂去景榮為請調蜀  
一歲租卹上東五路罷礦使化龍叙監軍功不及景  
榮已晉太僕少卿

王大經

明史忠義傳王寅錢塘人以父征播功為

千戶舊浙江通志王寅山陰人以父大經征播功襲

紹所千戶

秦衍祚

明史朱燮元傳副總兵等攻克遵義

朱燮元

明史本傳字懋和浙江山陰人萬歷二十

遵義府志

卷二十九

宦績

哭

年進士除大理評事遷四川副使謝病歸起移四川

右布政使天啟元年就遷左將入覲會永寧奢崇明

反蜀王要燮元治軍永寧古蘭州地奢氏猥種也

洪武時歸附世為宣撫使傳至崇周無子崇明以疏

屬襲外恭內陰鷲子寅允驍桀好亂時詔給事中明

時舉御史李達徵川兵援遼崇明父子請行先遣土

目樊龍樊虎以兵詣重慶巡撫徐可求汰其老弱餉

復不繼龍等遂反殺可求及參政孫好古總兵官黃

守魁等時舉達負傷遁時九月十有七日也賊遂據

重慶播州遺孽及諸亡命奸人蠶起應之賊黨符國

等官統所部及檄外雜蠻數萬分道趨成都陷新都  
 內江盡據木牌龍泉諸隘口指揮周邦太降冉世洪  
 雷安世瞿英戰死成都兵止二千餉又絀燮元檄徵  
 石砭羅綱龍安松茂諸道兵入援燮元檄徵  
 城循巡按御史薛敷政右布政使周著按察使林宰  
 等分陴守賊障革裹竹牌鈎梯附城壘土山上架蓬  
 華伏弩射城中燮元用火器擊卻之又遣人決都江  
 堰水注濠賊治橋得少息因斬城中通賊者二百人  
 賊失內應賊四面立望樓高與城齊燮元命死士突  
 出擊斬三賊帥燔其樓既而援兵漸集登萊副使楊  
 述程以募兵至湖廣遂合安綿副使劉芬謙石砭女  
 士官秦良玉軍敗賊牛頭鎮復新都他路援兵亦連  
 勝賊然賊亦愈增日發塚擲枯骸忽自林中大譟數  
 千人擁物如舟高丈許長五十丈樓數重牛革蔽左  
 右置板如平地一人披髮仗劍上載羽旗中數百人  
 挾機弩毒矢旁翼兩雲樓曳以牛俯瞰城中城中人  
 皆哭燮元曰此呂公車也乃用巨木為機關轉索發  
 礮飛千鈞石擊之又以大礮擊牛牛返走敗去有諸  
 生陷賊中遣人言賊將羅象乾欲反正燮元令與象

乾俱至呼飲成樓中不脫其佩刀與同卧酣寢象乾  
 誓死報復縋而出自是賊中舉動無不知乃遣部將  
 詐降誘崇明至城下伏起崇明跳免會諸道援軍至  
 燮元策賊且走投木牌數百錦江流而下令有司沉  
 舟斷橋嚴兵待象乾因自內縱火崇明父子遁走瀘  
 州象乾遂以眾來歸城圍百二日而解初朝廷聞重  
 慶變即擢燮元僉都御史巡撫四川以楊愈懋為總  
 兵官而擢河南巡撫張我續總督四川貴州雲南湖  
 廣軍未至而成都圍解官軍乘勢復州縣衛所凡四  
 十餘惟重慶為樊龍等所據其地三面阻江一面通  
 陸副使徐如珂率兵繞出佛圖關後與良玉攻拔之  
 崇明發卒數萬來援如珂迎戰檄同知越其杰躡賊  
 後殺萬餘人監軍僉事戴君恩令守備金富廉攻斬  
 賊將張彤樊龍亦戰死帝告廟受賀進君恩三官燮  
 元所遣他將復建武長寧獲偽丞相何若海瀘州亦  
 旋復先是國禎陷遵義貴州巡撫李樞已遣兵復之  
 永寧人李忠臣嘗為松潘副使家居陷賊以書約愈  
 懋為內應事覺合門遇害賊即用其家僮給愈懋襲  
 殺之并殺順慶推官郭象儀等再陷遵義殺推官馮  
 鳳雛當是時崇明未平而貴州安邦彥又起安氏世



有水西宣慰使安位方幼邦彥以故得信亂朝議錄  
燮元守城功加兵部侍郎總督四川及湖廣荆岳鄭  
襄陝西漢中五府軍務兼巡撫四川而以楊述中總  
督貴州軍務兼制雲南及湖廣辰常衡永十一府代  
我續共辦奢安二賊然兩督府分閩治軍川貴不相  
應賊益得自恣三年燮元謀直取永寧集將佐曰我  
久不得志於賊我以分賊以合也乃盡擊諸軍會長  
寧連破麻塘坎觀音庵青山崖天蓬洞諸砦與良玉  
兵會進攻永寧擊敗奢寅於土地坎追至老軍營涼  
金鋪盡焚其營寅被二鎗遁焚虎亦中鎗死復追敗

遵義府志

卷二十九

宦績一

五

之橫山入青崗坪抵城下拔之禽叛將周邦太降賊  
二萬副總兵秦衍祚等亦攻克遵義崇明父子逃入  
紅崖大囤官軍蹙而拔之連拔天台白崖楠木諸囤  
撫定紅潦四十八砦賊奔入舊蘭州城五月為參將  
羅象乾所攻克崇明父子率餘眾走水西龍場容仲  
壩倚其女弟奢社輝以守初賊失永寧即求救於安  
邦彥邦彥遣二軍窺遵義永寧燮元敗走之總兵官  
李維新等遂攻破容仲巢崇明父子竄深箐維新偕  
副使李仙品僉事劉可訓參將林兆鼎等搗龍場生  
禽崇明妻安氏弟崇輝寅國禎皆被創走錄功進燮

元右都御史時蜀中兵十六萬土漢各半漢兵不任  
戰而土兵驕淫不肯盡力成都圍解不即取重慶重  
慶復不即搗永寧及永寧蘭州竝下賊失巢穴又縱  
使遠竄大抵土官利養寇官軍效之賊得展轉為計  
崇明父子方窘甚燮元以蜀已無賊遂不窮追永寧  
既拔拓地千里燮元割膏腴地歸永寧衛以其餘地  
為四十八屯給諸降賊有功者令歲輸賦於官曰屯  
將隸於敘州府增設同知一人領之且移敘州兵備  
道於衛城與貴州參將同駐蜀中遂靖而邦彥張甚  
四年春陷貴州巡撫王三善軍沒明年總理魯欽敗

遵義府志

卷二十九

宦績一

五

於織金貴州總督蔡復一軍又敗廷臣以三善等失  
事由川師不協助議合兩督府乃命燮元以兵部尚  
書兼督貴州雲南廣西諸軍移鎮遵義而以尹同皋  
代撫四川燮元赴重慶邦彥偵知之六年二月謀乘  
官軍未發分犯雲南遵義而令寅專犯永寧未行寅  
被殺乃曰寅凶淫甚有阿引者受燮元金錢乘寅醉  
殺之寅既死崇明年老無能為邦彥亦乞撫燮元聞  
於朝許之乃遣參將楊明輝往撫燮元旋以父喪歸  
偏沅巡撫閔夢得來代先是貴州巡撫王瑛謂督臣  
移鎮貴陽有十使朝議從之夢得乃陳用兵機宜請

自永寧始次吊摩泥赤水百五十里皆坦途赤水  
有城可屯兵進白巖層臺畢節大方僅二百餘里我  
既宿重兵諸番交通之路絕然後貴陽遵義軍尅期  
進賊必不能支疏未報夢得召選代以尚書張鶴鳴  
議遂寢鶴鳴未至明輝奉制書僅招撫安位不云赦  
邦彥邦彥怒殺明輝撫議由此絕鶴鳴視師年餘未  
嘗一戰賊得養其銳崇禎元年六月復召燮元代之  
兼巡撫貴州仍賜尚方劍錄前功進少保世廕錦衣  
指揮使時寇亂八里井蕭條貴陽民不及五百家山  
谷悉苗仲而將士多殺降報功苗不附燮元招流移

遵義府志

卷二十九

宦績一

五

廣開墾募勇敢用夢得前議檄雲南兵下烏撒四川  
兵出永寧下畢節而親率大軍駐陸廣逼大方總兵  
官許成名參政鄭朝棟由永寧復赤水邦彥聞之分  
守陸廣鴨池三岔諸要害別以一軍趨遵義自稱四  
裔大長老號崇明大梁王合兵十餘萬先犯赤水燮  
元授計成名誘賊至永寧乃遣總兵官林兆鼎從三  
岔入副將王國禎從陸廣入劉養鯤從遵義入合傾  
其巢邦彥恃勇擬先破永寧軍還拒諸將急索戰四  
川總兵官侯良柱副使劉可訓遇賊十萬於五峰山  
桃紅嶺大破之賊奔據山巔諸將乘霧力攻賊復大

敗又追敗之紅土川邦彥崇明皆授首時二年八月  
十有七日也捷聞帝大喜以成名與良柱爭功賞久  
不行烏撒安效良死其妻安氏招故靈益土酋安遠  
弟邊爲夫負固不服燮元乘兵威脅走邊遂復烏撒  
燮元以境內賊略盡不欲窮兵乃檄招安位位不決  
燮元集將吏議曰水西地深險多箐壘烟燹雨莫  
辨晝夜深入難出今當扼其要害四面迭攻賊乏食  
將自斃於是攻之百餘日斬級萬餘養鯤復遣人入  
大方燒其室廬位大恐三年春遣使乞降燮元與約  
四事一貶秩二削水外六目地歸之朝廷三獻殺王

遵義府志

卷二十九

宦績一

五

巡撫者首四開畢節等九驛位請如約率四十八日  
出降燮元受之貴州亦靖遂上善後疏曰水西自河  
以外悉入版圖沿河要害臣築城三十六所近控蠻  
苗遠聯滇蜀皆立邸舍繕郵亭建倉廩賊必不敢猝  
入爲寇鴨池安莊傍河可屯之土不下二千頃人賦  
土使自贍鹽酪芻焚出其中諸將士身經數百戰咸  
願得尺寸地長子孫請割新疆以授之使知所激勸  
帝報可初崇明邦彥之死實川中諸將功而黔將爭  
之燮元頓首黔將屢奏於朝爲四川巡按御史馬如  
蛟所劾燮元力求罷帝慰留之其冬討平定番鎮寧



叛苗乃通威清等上六衛及平越清平偏橋鎮遠四  
衛道路凡一千六百餘里繕亭障置游徼貴陽東北  
有洪邊十二馬頭故宣慰宋嗣殷地也嗣殷以助邦  
彥被勦滅乃即其地置開州又奏復故施秉縣招流  
民實之四年阿迷州土官普名聲作亂陷彌勒州曲  
江所又攻臨安及寧州遠近震動巡撫王伉總兵官  
沐天波不能禦伉速成燮元遣兵臨之遂就撫龍場  
壩者隣大方邦彥以假崇明明既滅總兵侯良柱  
欲設官屯守以自廣而安位謂已故地數舉兵爭燮  
元不之禁會燮元劾良柱不職良柱亦許燮元曲庇

遵義府志

卷二十九

宦績一

五

安氏納其重賄章下四川巡按御史劉宗祥宗祥亦  
劾燮元受賄且以龍場永寧不置邑衛為欺罔帝以  
責燮元燮元乃上言禦夷之法來則安之不專在攻  
取也今水西已納款惟明定疆界俾自耕牧以輸國  
賦若設官屯兵此地四面孤懸中限河水不利應援  
築城守渡轉運煩費且內激蘭州必死之鬪外挑水  
西扼吭之嫌兵端一開未易猝止非國家久遠計帝  
猶未許後勘其地果如所議論桃紅壩功進少師世  
廕錦衣指揮僉事十年安位死無嗣族屬爭立朝

議又欲郡縣其地燮元力爭遂傳檄土目布上威德  
諸蠻爭納土獻重器燮元乃裂疆域眾建諸蠻復上  
疏曰水西有宣慰之土有各目之土宣慰公土宜還  
朝廷各目私土宜界分守籍其戶口徵其賦稅殊俗  
內嚮等之編氓大方西溪谷里北那要害之地築城  
戍兵足銷反側夫西南之境皆荒服也楊氏反播奢  
氏反蘭安氏反水西滇之定番小州耳為長官司者  
十有七數百年來未有反者非他苗好叛逆而定番  
性忠順也地大者跋扈之資勢弱者保世之策今臣  
分水西地授之酋長及有功漢人咸俾世守虐政苛

遵義府志

卷二十九

宦績一

五

斂一切蠲除參用漢法可為長久計因言其便有九  
帝咸報可無何所撫土目有叛者諸將方國安等軍  
敗燮元坐貶一秩已竟破滅之十一年春卒官年七  
十三燮元長八尺腹大十圍飲啖兼二十人鎮西南  
久軍費贖錢歲不下數十萬皆籍之於官治事明決  
軍書絡繹不假手幕佐行軍務持重謀定後戰尤善  
用間使人各當其材犯法即親愛必誅有功廝養不  
遺賞也馭蠻以忠信不妄殺苗民懷之初官陝西時  
遇一老叟載與歸盡得其風角占候遁甲諸術將別  
語燮元曰幸自愛他日西南有事公當之矣內江牟

康民者奇士也兵未起時語人曰蜀且有變平之者  
朱公乎已而果然

李標 明史本傳字長孺鄞人登萬曆二十九年  
進士授行人擢御史例轉廣東鹽法僉事歷山東參  
議陝西提學副使山東參政按察使四十七年秋擢  
右僉都御史巡撫貴州貴州宣慰同知安邦彥者宣  
慰使堯臣族子堯臣死子位幼其母奢社輝代領其  
事社輝永寧宣撫奢崇明女弟也邦彥遂專兵柄會  
朝議徵西南兵援遼邦彥素桀黠欲乘以起事詣標  
請行標諭止之邦彥歸益為反謀標累疏請增兵益

遵義府志 卷二十九 臣績一 奏

餉中朝方急遼事置不問會標被劾乃六疏乞休天  
啟元年始得請以王三善代而奢崇明已反重慶陷  
遵義貴陽大震標遂留視事時城中兵不及三千倉  
庫空虛標與巡按御史永安貸雲南湖廣銀四萬  
有奇募兵四千儲米二萬石治戰守具而急遣總兵  
官張彥方都司許成名黃運清監軍副使朱芹提學  
僉事劉錫元等援四川屢捷遂復遵義綏陽湄潭真  
安桐梓二年二月或傳崇明陷成都邦彥遂挾安位  
反自稱羅甸王四十八支及他部頭目安邦俊陳其  
愚等讜起相應烏撒土目安效良亦與通邦彥首襲

畢節都司楊明廷固守擊斬數百人效良助邦彥陷  
其城明廷敗歿遂分兵陷安順平壩效良亦西陷  
雷盞而邦彥自統水西軍及羅鬼苗仲數萬東渡陸  
廣河直趨貴陽別遣王倫等下甕安襲偏橋以斷援  
兵洪邊土司宋萬化糾苗仲九股陷龍里標永安聞  
變亟議城守會潘泉守令咸入覲而彥方鎮銅仁遷  
清駐遵義城中文武無幾人乃分兵為五令錫元及  
參議邵應禎都司劉嘉言故副總兵劉岳分禦四門  
標自當北門之衝永安居譙樓團街市兵防內變學  
官及諸生亦督民兵分堞守賊至盡銳攻北城標迎

遵義府志 卷二十九 臣績一 奏

戰敗之轉攻東門為錫元所卻乃日夕分番馳突以  
疲官兵為三丈樓臨城用婦人雞犬厭勝術標永安  
烹雞雜斗米飯投飼雞犬而張虎豹皮於城樓以祓  
之乃得於礮石夜縋死士燒其樓賊又作竹籠萬餘  
土壘之高踰睥睨永安急撤大寺鐘樓建城上賊棄  
籠去官軍出燒之數出城邀賊糧賊怒盡發城外塚  
徧燒村砦又先後攻陷廣州普定威清普安南諸  
衛貴陽西數千里盡為賊據初被圍彥方運清來敗  
賊於新添賊誘入龍里二將皆敗乃縱之入城曰使  
耗汝糧城中果大困川貴總督張我續巡撫王三善



擁兵不進檮永安連疏告急詔旨督責之會彥方等  
出戰頻得利賊退保澤溪乃遣裨將商士傑等率九  
千人分控威清新添二衛且乞援兵賊謂城必拔沿  
山列營柵隔內外旬日一來攻輒敗去副總兵徐  
時逢參將范仲仁赴援遇賊饗城河仲仁戰不利時  
逢擁兵不救遂大敗諸將馬一龍白自強等殲焉援  
遂絕賊聞三善將進兵益日夜攻擊長梯蟻附城幾  
陷者數矣檮奮臂一呼士卒雖委頓皆強起斫賊賊  
皆顛踏死城下王三善屢被嚴旨乃率師破重圍而  
進十二月七日抵貴陽城下圍始解檮乃辭兵事解

遵義府志

卷二十九

宦績一

五

官去三善既破賊我續無寸功乾沒軍資六十萬言  
官交劾解職候勘我續邯鄲人刑部尚書國彥子其  
後裔緣魏忠賢起戶部侍郎進尚書名麗逆案云方  
官廩之告竭也米升直二十金食糠藪草木敗草皆  
盡食死人肉後乃生食人至親屬相噉彥方運清部  
卒公屠人市肆斤易銀一兩檮盡焚書籍冠服預戒  
家人急則自盡皆授以刀縲城中戶十萬圍困三百  
日僅存者千餘人孤城卒定皆檮及永安錫元功熹  
宗用都御史鄒元標言進檮兵部右侍郎永安太僕  
少卿錫元右參政及圍解當再叙功御史蔣允儀言

遵義府志

卷二十九

宦績一

五九

安位襲職時檮索其金盆致啟釁章下貴州巡按侯  
恂覈未報御史張應辰力頌檮功恂覈上亦白其誣  
帝責允儀初永安遣暹清往新添平越越援兵懼其  
不濟欲出城督之錫元疑永安有去志以咨檮檮止  
永安及錫元當絕食時議發兵護檮永安出城身留  
死守永安亦疑錫元而運清因交構其間三人遂相  
失永安詆錫元議畱身守城欲輸城於賊檮亦與謀  
兩人上章辨吏部尚書趙南星左都御史孫瑋等力  
為三人解而言永安功第一當不次大用檮已進官  
當召還錫元已進參政當更優敘詔可之然檮竟不

召錫元亦無他擢二人竝還里獨永安在朝連擢太  
常卿右僉都御史巡按臨夏再以兵部右侍郎總督  
三邊檮及諸將吏功迄不敘六年秋御史田景新頌  
檮功不納崇禎元年給事中許譽卿再以金盆事劾  
檮帝召台廷臣獨御史毛羽健為檮解吏部尚書王  
永光等議如羽健言給事中余昌祚詆羽健曲庇帝  
下川貴總督朱燮元等再覈羽健乃上疏曰安奢世  
為婚姻同謀已久奢實寇蜀邦彥即寇黔何用激變  
當貴陽告急正廣寧新破之日舉朝皇皇已置不問  
後知檮不死孤城尚存始命王三善往救至則圍已

十月安僖初發難崇明欲取成都作家邦彥欲圖貴陽爲窟西取雲南東擾偏沅荆襄非標扼其衝東南盡塗炭乃按臣永安不二三載躋卿貳督師三邊標則投間林壑又以永安謗書爲標罪案金盆之說發自允儀當年已自承風聞何至今猶執爲實事貴州人亦爭爲標頌冤燹元乃偕巡按御史趙洪範文章雪其枉標事始白九年冬敘守城功進一秩賚銀幣久之卒於家

侯采 南溪縣志良柱煙天啟元年沙酋叛給把

總劄隨良柱征勦恢復綦桐五年授守備累功陞總

遵義府志 卷二十九 宦績一 本

兵官

國朝定蜀繳 遠印信順治九年卒年八十三

劉臣武 陳志敘南世裔有文武才天啟中奢酋亂

同兵備 迴盧安世恢遵義列功授守備職遂家於紫

霞山之麓賑卹孤寒義方訓子即遇荒亂子孫弦誦

不輟年七十八卒

張奏凱 四川舊志綦江人天啟四年征播有功

授川北副總兵復拒闖賊陸天柱總兵會獻賊攻成

都奏凱守東門城陷死難勝朝殉節諸臣錄乾隆四

十一年

賜諡列愍

王祥 綦江縣志思里人家世儒素至祥獨沉毅

果敢膂力邁等夷崇禎初入邑武庠恆於馬上挽強

弓翻身作霹靂響邑令甚器重之勸入營伍因爲九

盤子臨官祥見中原盜賊蠡起益留心韜略招集精

兵時操演以待徵調甲申三月燕京之變祥搥胸大

哭即起義師慷慨申誓期刻日赴難不虞巨賊張獻

忠已由夔門入直破渝州趨成都全川覆沒祥駐綦

數十日南北聲息不相聞兼賊氛甚囂因還據遵義

遵義設未久城郭不備祥急切補修遣兵分守關隘

遵義府志 卷二十九 宦績一 空

賊佔成都後掠全川郡縣惟畏祥不敢近蜀東南半

角得以保全順治二年乙酉明福王命大學士王應

能總督川湖雲貴軍務專辦川寇時蜀中諸郡破壞

唯遵義獨完善應熊由綦馳而往祥數十里郊迎執

手悲切諸軍政聽應熊處置遂築壇縞素誓師開幕

府傳檄遠近討賊總督宣賓樊一蓀亦檄知諸郡舊

將起甘肅臣爲總統副以侯天錫楊展馬應試等會

師大舉明年三月攻敘州復其城而副將曾英及于

大海李占春等亦破賊於重慶兵十餘萬奉一蓀節

制惟江津進士刁化神去年以鄉宦起兵勦賊乃鑄



好生法寶印如道士書符醜狀見官兵即潰去本年  
又聚烏合之眾漫無紀律諸將所復之境轉被摧殘  
王祥再三申勸不聽因遣人擊殺之而并其眾時麾  
下已數萬人應熊上其事福王以一衛為兵戶二部  
尚書加太子太傅應熊為經略賜上方劍王祥掛征  
討將軍印諸人拜爵有差順治三年參將楊展恢復  
川南又大破賊於江口燒沉其舟王祥與曾英以兵  
趨成都次資簡二州獻忠懼其遂北走祥與展合兵  
追之至漢州賊已遠去封遺屍而返是年十二月  
肅王誅獻賊于西充之鳳凰山偽平東孫可望等四

遵義府志

卷二十九

臣續一

六十一

將之兵潰而東奔時曾英守渝賊突至出其不意英  
中矢顛於河重慶再陷會祥領兵順慶一路截賊應  
能力不支走軍節可望等遂陷綦江屠一月順治四  
年賊乘祥未歸遽由綦陷遵義時樊一衛駐兵江上  
窺取全蜀自重慶雲陽嘉定瀘州皆川將分據軍聲  
大振祥與東路總兵南川人石琳率兵晝夜疾馳復  
克遵義孫可望豕突黔界擾諸州縣於是全川盡為  
承明王地祥請于一衛及巡撫李乾德使石琳走肇  
慶告捷承明王大喜自衛以下皆加殊寵進祥為  
江伯勅琳掛勅蜀將軍印命仍四川勅賊自獻逆謀

後姚黃賊黨並李闡餘孽出入川東南一帶各州縣  
亂民從風而靡殘黎無所逃命祥每提兵出勦而江  
津之游溪白沙等處殺賊尤多袁韜武大定者本十  
三家賊雖投李乾德為腹心守重慶祥終惡其為人  
欲手刃之以此楊展李占春等均與祥有隙順治五  
年展遣其子璟新攻祥為祥所敗於是蜀中諸將相  
惡順治六年蜀大旱赤地千里時

遵義府志

卷二十九

臣續一

六十一

王師西征承明王在桂林孫可望已據滇黔道途久梗兼  
之瘟疫流行軍中恆多疾病順治七年秋孫可望謀  
再圖蜀終忌祥據要害遣劉文秀白文選以重兵攻  
遵義祥告急諸蜀軍坐視不發一卒祥與大戰於烏  
江賊生力軍曰益至祥見大勢已去不復能支因慷  
慨泣下言曰昔項羽敗於烏江此亦烏江無一人引  
手援吾不復求生也驟起馳入賊陣殺數十人乃還  
營自刎死時年四十二歲兵二十餘萬竝為賊有今  
烏江河岸有墳俗指為西楚霸王不知即王祥墓祥  
既沒一門大小竝遇害故無後時已封忠國公勝朝  
殉節諸臣錄掛征討將軍印忠國公王祥綦江人守  
遵義孫可望遣賊將白文選攻之兵敗被殺乾隆四  
十一年

賜諡節愍任濟午撰王祥遜事祥字瑞吾蜀漢王平裔父  
學居永寧天啟中奢蘭之亂被脅不從死祥以永明  
王二年正月封榮昌伯二月晉封錦江侯四年正月  
勅總督秦蜀楚豫滇黔等處地方漢土官兵恢勦軍  
務兼理糧餉便宜行事掛行軍大將軍印兼招討事  
太子太師中軍都督府大都督左柱國晉封忠國公  
烏江兵潰走正安南嶽寺自盡葬於高坪死前題二  
絕句寺壁有今亡猶是大明臣其結君臣萬古愁之  
句妻熊氏亦深明大義永明王母寧聖慈肅后屢有  
諭賜稱既脫簪珥以裕軍復捐資奩而佐膳至比以

遵義府志 卷二十九 宦績一 盜

韓世忠章仔均之妻聞祥死亦殉節祥五子璉瓊璉  
璉後避居仁懷星宿溪今子孫文學斑斑然璉璉熊  
氏生佐父殲逆寇復保寧撫輯遵義有功永明王三  
年以總兵官都督同知掛赤將軍印同祥死難文  
侯更姓趙居河南陳州璉珂居荆州沙市祥六世孫  
道清者力敦古處誦史鑑本末琅琅隱於釣能言祥  
事首尾曾出示永歷六勅慈肅三諭皆不虛又從祥  
七世孫茂才超凡所觀祥寶劍遺硯並家譜歎天之  
厚忠良若是暴志云祥無後何耶傳志又多言祥封  
綦江伯今道清家此封勅獨無而榮昌錦江反無人

道者則祥生平世多略矣祥之死史傳皆在烏江友  
人鄭珍為余言見遵義楊明吾譜序言孫兵追祥至  
羅桿臺王師潰敗明吾益目擊祥事者余按陳瑄府  
志祥列於真州之鳳皇山必非浪說羅桿臺在今正  
安城南五十里鳳皇山即正安城內古鳳山南嶽寺  
今不存當在山上則家譜為得實譜又載祥至寺時  
仆仆云武侯運否武穆途窮夫唱婦隨六七善終則  
就死極從容蓋見言江岸倉皇一勿者為誤綦志更  
指烏江霸王墳實之自詡流俗不識是何見耶余感  
節愍一門忠烈故詳採逸事足信者告來許云

遵義府志 卷二十九 宦績一 盜

侯天錫 南溪縣志良柱子順治二年王應熊等起  
兵攻流寇時諸郡惟遵義為王祥所守未破應熊入  
居之起甘良臣為總統副以天錫集潰卒得三萬人  
是年三月攻敘州斬賊數千偽都督張化龍敗走賊  
黨馮雙禮來爭又敗之賊旋驚潰遁去遂復敘州  
周茹茶 蔣士銓撰墓誌銘明總戎彝山周公歿七  
十有九年公會孫少司馬每山公視浙學已三載捧  
家狀屬門下士蔣士銓撰墓誌再拜而謹觀之不  
敢辭按狀公諱茹茶字自節號彝山別號丹井先世  
居楚之營道縣仕元爵萬戶公之祖隱姓名稱伏三



則者為濂溪先生八世孫明初徙居蜀之涪州相公  
堡二傳至升公以孝得旌官銅陵令又二傳至顯風  
公由孝廉同守開封又二傳至梓溪公官武昌郡丞  
有治行鑄鐵像於彭家澤王陽明撫贛平宸濠亂公  
轉運有功萬曆中追封虬侯生誠所公以父勳錄用  
官神樞四營副將誥封榮祿大夫娶聶氏封一品太  
夫人即總戎公考妣生子三總戎公其季也公幼極  
聰敏既長淹貫經史習韜鈴具文武才略崇禎甲申  
北京陷蜀有姚黃之寇張獻忠復入川三路犯涪里  
兒羣噪夜半撼公扉欲推戴弄兵公叱去之師相王

遵義府志

卷二十九

宦績一

李

春石公鄉人也故重公適以禮聘公入幕府因仗劍  
往從至綦江奉檄佐鎮將賈聯登恢復各路明年渡  
江津永榮銅壁等十餘縣尋復捷屢上為忌者中沮  
乃駐師時誠所公以家避難桐梓公詣軍門請以兵  
馬屬營弁楊某自往省親旋以病不能返部卒乃殺  
楊而散公方欲收合餘燼會重慶陷遂走江津謁忠  
國王公因入幕時糧饋久絕人心洶洶公勸移師正  
安就食徐規進取忠國善其議公於是率兵前驅所  
過無犯有弁犯法當斬公為諫止忠國怒曰汝替若  
死耶公厲聲曰某死則無敢言之人若死則無敢戰

之將遂得藉軍中屬禁兵弁藏煙草者主帥坐駢戮  
有販客匿烟貨擔中公偵知急遣僕夜往除且鞠之  
無實盡釋去既而遵義重慶成都等處以次收復皆  
公功朝命於是拜公湖南路總兵未幾忠國死偽秦  
王某將叛欲羅致公公逆窺其隱力拒之乃以終養  
解官去辛卯壬辰父母相繼卒康熙初挈家返涪乙  
巳迎柩於桐梓歸葬而功名之念墮矣甲寅滇逆偽  
帥慕公名遣幣聘公公擲罵曰庸奴我豈從賊者次  
子儒進曰激則致禍兒試往謝之至閬中被留為質  
公憤恨成疾誓不服藥長子儼出奇計往來漢沔間

遵義府志

卷二十九

宦績一

李

竟擊弟返公大喜病為少間庚申九月公復卧病值  
譚宏亂賊夜半薄公室二子倉卒救禦儼被重傷儒  
乃殉夫人旋以慟儒卒明年都督李某欲盡殲餘黨  
為公雪仇公亟使儒曰震震逼摧殺戮相報寧受始  
殃勿延終禍李聞而嘆曰長者也乃止公撰著最富  
晚年盡焚之其教子則曰望汝為一人人望汝為  
一品官作訓辭及彝山迂言以為戒疾既草仰天太  
息曰始吾疑伏波裏尸語以為矯今而後乃知許國  
者固自有志也泣然而卒於戲公生勝國未季投筆  
從戎歷戰陣十餘載未嘗殺一不辜而全活無算古

名將陰功何愧焉泊天下初定公於傾側擾攘間用兵如神恢復邊城滌除凶焰有席捲風馳之勢勳名列名觀時知止解甲歸田賊餌爭投屹然不動乃至室毀雛傷老死邱園困苦不悔非道力堅凝能若是乎涪之人曰公少時遇道士召使學仙不可乃陰語人曰功名士也廿九年後當來導汝然勿嗜殺人厥後昌矣乙巳冬復有道士途招之請葬親訖從之遊後雖弗果去而屬縉歷二日體尚柔和可舉或疑為羽化蟬脫之異史載李泌不報人仇張詠前知來去各有神仙姿表公其侶與惟限於運會遂令忠義

遵義府志

卷二十九

臣績一

空

莫伸稿形牖下亦可悲已亦可悲已公生於萬曆四十五年八月二十九日以康熙三十二年二月二十四日卒歷年七十有七配吳封夫人子二儼康熙庚午科舉人儒銅梁縣庠生乾隆七年俱旌表孝子葬涪州長里磨沱山莊子儼附之銘曰宗文定蜀閭井不驚曹彬帥師善良弗刑公兼有之完節與名桓桓將帥久乘富貴功名不終禍積為崇公般鑿之角巾而退不嗜殺人其後則昌忠孝之門節義文章振振繩繩偉哉侍郎塚象祈連巴山竝峙公偕赤松時一蒞止七十九年泐銘為史劉君碩撰傳入江津城見

兵將絕王瑞晉移鎮真安山界乘麥熟因糧王善其議八月師進遵義戊子復成都

王應熊 明史本傳字非熊巴縣人萬曆四十一年進士天啟中歷官詹事崇禎六年擢禮部尚書東閣大學士八年休歸十七年三月京師陷五月福王立於南京八月張獻忠陷四川乃改應熊兵部尚書兼文淵閣大學士總督川湖雲貴軍務專辦川寇時川中諸將惟遵義未下應熊入守之縞素誓師開幕府傳檄討賊明年奏上方略請敕川陝湖貴兩總督鄧陽湖廣貴州雲南四巡撫出師合討并劾四川巡撫

遵義府志

卷二十九

臣績一

空

馬體乾縱兵淫掠草職提問命未達而南都亡體乾居職如故已而獻忠死諸將楊展等各據州縣自雄應熊不能制其部將曾英最有功復重慶屢破賊兵王祥亦出師綦江相犄角祥才武不及英而應熊委任過之又明年十月獻忠餘黨孫可望李定國等南走重慶英戰歿可望襲破遵義應熊遁入永寧山中旋卒於畢節衛

樊一蘅 明史本傳字君帶宜賓人舉萬曆四十七年進士崇禎十六年起兵部右侍郎總督川陝軍務道阻命不達順治元年福王立于南京申前命時張



獻忠已據全蜀惟遵義未陷一衛與王應熊避其地  
既拜命檄諸舊將會師大舉明年檄諸路剋期並進  
應熊及王祥在遵義乾英在重慶皆宿重兵賊勢日  
蹙

大清兵射殺獻忠殘賊陷碁江應熊避之畢節衛踰月賊  
陷遵義入貴州

大清兵迫至重慶巡撫乾敗死遂入遵義以餉乏旋師王  
祥等復取保寧二郡一衡再駐江上為收復全蜀計  
乃列上善後事宜及諸將功狀于永明王拜一衛戶  
兵二部尚書加太子太傅祥等進爵有差時應熊已

遵義府志

卷二十九

臣績一

七

卒而總制巡撫各自署置官多于民諸將侯天錫據  
永寧王祥據遵義搖黃諸家據夔州一衛令不行順  
治六年秋九月孫可望遣白文選攻殺祥降其眾二  
十餘萬盡得遵義重慶一衛益孤謝事避山中遭疾  
死

石琳 碁江縣志南川人以武解元成進士南川

縣志載永歷四年諭石琳勅中云爾隨勳臣祥攬甲  
保陣截擊巨寇奏凱何關丁亥之夏萬里迎駕乃自  
粵返蜀即集強弩併力勦除克復綏寧再恢遵義重  
慶平沅斬虜甚多遂由細米之溪直擣沅州之界三

戰三捷勳耀旂裳朕嘉爾勞命爾掛剋蜀將軍印爾  
其聽勳臣祥調度云云

聶文啟 鄭珍撰聶將軍傳明季之防水蘭也順烏  
江而西設九隘簡參將遊擊駐守之余嘗攷其時將  
官始知有聶將軍抱保遵義德至鉅迄今無一人道  
者則紀述不可無也將軍名文啟字紹江先世豹封  
重慶府內衛世襲至文啟任北川總戎明天啟辛酉  
壬戌水蘭兩酋相繼叛陷遵義民多死亡水烟天旺  
一帶地更相接盡為獸藪甲子兵備道盧安世奉勅  
簡全蜀能將督師復遵文啟戰功最賊平安世以中

遵義府志

卷二十九

臣績一

七

澤臨實要中奏以守招徠植養十餘年四民各帖然  
就厥業崇禎己卯正月郡人張道興以妖術聚醜數  
千通水西倡亂揮橙撒豆成騎卒遵義岌岌然文啟  
赤幘與戰陣斬之黨以瓦解張獻忠之敗死也部將  
馬寶竄入遵畏威甚計圖之招飲桃源洞妻石氏請  
設備文啟拂髯曰盍子何能為與子世昌單騎往諭  
以大義聲色厲切酒中伏甲起父子並遇害隨行一  
犬帶血歸號於門石氏驚曰事必變矣其孫思聖生  
方周私抱置藝林中祝曰聶氏不絕兒不啼條寶至  
屠其家收其軍籍兒竟不啼為民間收養其祖塚

闖逃免後數歲求得兒贖歸生彪為邑諸生中澤鎮  
址在今郡南五十里三望田將臺下存手植桂一株  
父老到今猶摩挲不忍去論曰遵義自天啟之元至  
國朝順治戊戌四十年間若奢崇明安邦彥馬寶孫可  
望等紛紛蹂躪叢爾國亦極不堪矣意必時有一二  
人維救其間求之久僅得將軍一人以捍邊豐功偉  
節若此宜春秋食昭忠祭而史志且沒其名氏血雖  
碧能無憾歟然至今二百年猶能攜剩碣遺聞使不  
一切銷滅是可信忠烈之光之卒無已時也然又安  
得更如將軍者並書示來茲歟余尚當求之

遵義府志

卷二十九

宦績一

七三

鄭益顯 家譜江西吉水人官四川遊擊遵義兵備  
道盧安世設九隘備水西以益顯守底水臨後家遵  
義之西鄉殉難錄王恪揚于佐聖創築新站城時率  
將領鄭益顯等往來巡視邊備悉舉益顯孫之瓏自  
撰墓碣益顯從兵備使入播鎮守西夷孔昭民撰行  
略下多故日學擊劍鸞強弓馬上舞八十斤大刀  
如流星閃電目不給顧久之遂棄生員入下缺遊  
擊間居久乃攜妻子寓富順環水先生時為教諭一  
見歎曰公真英雄也日夕過從快論天下至計環水  
嘗謂曰國家若復用子吾二人豈能長聚耶公曰天

下事君輩努力吾自弄刀矢至今遼海沙場大小七  
八十戰幸間廢不死吾老馬不復思驥鳴矣未幾奢  
崇明反天啟元年十月遵義將孟關山來取富順知  
縣棄城逃環水來約公同走公曰子欲立功名此其  
時也尚何走耶因定計集勇士百餘人開門納關山  
關山方入城公揮劍斬之眾急反走公率勇士力追  
殺幾盡其眾告環水曰速縮縣印善守具彼決不與  
此城休矣奢賊果捲眾來圍城數匝公曰以吾力守  
此城足相持二十日然力少終必破子急潰圍出請  
師得數百人為助賊雖數萬易走也環水騎一馬挾

遵義府志

卷二十九

宦績一

七三

勇士七人潰圍而出下缺按環水盧安世字  
教諭知縣棄城逃合通志謂安世為巴縣學博奢賊  
掠城縣令死之今考奕賊起事重慶殺巡撫以下諸  
自遂據重慶攻取列城不得云明省吾舊將文啟士  
掠巴縣則云縣令死亦非實也  
忠及正並世傳將家守隘無如此數人者環水欲奏  
公名公不欲強以前官權守底水臨公招撫流移團  
練鄉兵遵義西境隱然長城在隘十年招安祚遠來  
獻渭河西岸地二百里安氏愈不下缺按省吾劉  
字謂王尚明絕將與經揭子合文啟轟文啟正周正  
士忠無考此數語蓋與安世商選隘官之言考刁化  
神撰聶公平妖碑安世置隘官在天啟四年稱前官  
者據前段知是罷開擊至此起用稱權守知不與  
各隘官同奏名安西在臨北王公殉難錄在崇禎七年  
陳志在五年此云在臨北王公殉難錄在崇禎七年



難原呈同實錄也黨屠散井里荒蕪天子歲易將相

又無一可恃者因憤極棄守家泮汪水上公時雖老

然時時不忘天下事諸隘將無不秉成策者崇禎十

一年祚遠地復歸水西道府以懷遠指揮地雖失然

降人難便裁去因遣國政耕屯沙溪視流官折俸沙

溪豪猾郭下缺按屠散荒蕪以上獄器械俱運藏

城中計四月初二日諸隘官土司往尙明家作生日

必不及援救遂于初一日傍晚潛從上村攻城諸司

隘聞急各歸集所部會救逮至魯生已死難諸賊聞

救至上才士奇從小坎登甲等從大銀山正國等從

遵義府志 卷二十九 宦績一 七五

十二茅坡各覓路歸沙溪公馳至馬坎顧從者曰彼

聞援至必走必不由此急趨小坎邀之生擒上才士

奇縱馬走公追入馬桑箐士奇已縊死下缺按

聖年正月初四日老神仙先至遵義鄉城聞待可望

至卽行屠哭聲震天死者滿野公單騎道服夜入城

見老神仙老神仙素震公名約不屠居近三十里公

曰軍師知大西王所以敗乎屠戮太盡無人與守故

使軍師今日至此今四川止存一遵義若再屠軍師

及大將軍無進退地矣老神仙曰誓如公言欲羈公

公曰老夫耄矣今皇帝中興之主軍師誠能與大將

軍匡復社稷他日垂名史冊稱中興將相前日作賊

之非賴此以掩望軍師無忘老夫此言老神仙垂頭

歎息顧公已持雙劍出門呼壯士持馬矣自此可望

所過民皆安堵至貴州卽稱臣於今皇帝皆公此言

悟之也及王祥自順慶歸公待之婁山關祥見公泣

不能起公曰今日非一泣可了也我觀可望下缺

孫可望奔遵義在順治四年老神仙實陝土慶兒奇

圖寄所寄王督殉難紀事云賊軍師李自旺號老神仙

按蓋顯行略得自江津士家故冊首尾爛落中間

亦多缺斷前之家世累歷升降後之與王節愍籌

復遵義以至死卒皆無考然當時隘官惟周世祿

聶文啟粗得大概此文雖殘缺之餘就可讀者觀

之英風偉略十具四五且已多補史傳不備則益

顯於隘官中爲特詳矣茲仍原冊錄之略爲疏證

待訪其全云

遵義府志 卷二十九 宦績一 七五

遵義府志卷三十

宦績二

遵義道

明

張梯

陳志河南人倜儻有才慷慨自許夙以邊才著名以憲長分守川東時我兵攻賊固將下值督撫報外艱人情漸懈弛梯獨冒暑單騎走監諸營激勵將士竟以平賊謀畫善後始終功多後遷巡撫大同歸尋卒遵義道題名碑梯萬曆三十年二月任傅光宅 巴縣志山東聊城進士萬曆中以御史左

遵義府志

卷三十

宦績二

一

遷歷工部郎知重慶府時播賊猖獗總制李化龍駐渝城宅督理戎馬軍糧有方略陳志平播之功贊畫為多後遵義府缺當事者趣入視事安輯夏彘招撫流移用忠義瘞遺骨周貧困恤瘡痍振學禮神視理重慶尤加虔恭尋授遵義道復改督學為忌者所中歸卒

崔應麒

陳志播平初以方伯行觀察使天性公忠御下恕坦先是道與郡相水火每以小故相扼應麒至一以長厚以待道郡相洽又議調田價以安反側新舊均感頌後以他事掛彈章去郡人祠祀之尋

起巡撫陝西

孫學易 雲南通志楚雍人萬曆壬辰進士任寧國

府推官斷獄無冤歷遵義道副使不畏強禦士酋奢

崇明陰懷反側學易欲破其謀請於當事不果行至

後猖獗騷動三省眾方服其先見擢陝西右布政使

致仕歸

李必達 陝西通志字中孚城固人萬曆甲午舉人

性倜儻不群精奇門遁甲歷官遵義副使天啓間奮

賊陷重慶必達畫謀決勝攝服賊眾稱為神兵後罷

職川人感慕立祠祀之

遵義府志

卷三十

宦績二

二

按陳志職官兵備道題名有李仙品稱陝西人進士天啟四年任後復任陞偏沅巡撫通志沿之並無李必達明史盧安世傳天啟五年四月朱燮元上言稱永寧破巢之後皆監司李仙品等功與陝志敘必達其官其時事籍貫並合知決非兩人名之不同非可臆解故題名從前志官績從陝志或本是二人前志漏略各從舊載亦無傷焉

盧安世 明史本傳貴州赤水衛人萬曆四十年舉

於鄉為富順教諭天啟初奢崇明反遣逼取縣印署

令棄城走安世收印率壯士擊斬賊無何賊數萬猝



至安世單騎鬪手馘數人詣上官請兵復其城帝用  
 大學士孫承宗言超擢僉事監軍討賊屢戰有功五  
 年四月總督朱燮元上言自遵義五路進兵永寧破  
 巢之後大小數百戰禽獲幾四萬人降賊將百三十  
 四人招撫羣賊及土漢苗仲二十九萬三千二百餘  
 人皆監司李仙品劉可訓鄭朝棟及安世等功武將  
 則林兆鼎秦翼明羅象乾土官則陳治安冉紹文悅  
 先民等帝納之安世進貴州右參議遷四川副使遵  
 義監軍功復多崇禎初予世應武職進右參政久之  
 解官歸卒陳志天啟五年任遵義道時遵為賊將扶

國禎所據安世統兵親勦恢遵分兵屯田以省川運  
 招撫逃民各歸本土防禦周密土民樂業歷任九年  
 以勞瘁告致闔屬至今頌德不衰通志字環水天啟  
 中任巴縣學博奢賊掠城縣令死之安世鼓集義勇  
 誘賊渠孟寶山入城斬首持示賊驚潰掩殺無算  
 謝瑄通志雲南楚雄縣人崇禎癸未任遵義道  
 丁亥流寇孫可望過遵瑄督兵董公寺防禦為賊所  
 擒賊欲屠遵城瑄曰苟止殺吾當從汝賊許之民賴  
 以全賊強之人滇遂自縊於貴陽縣學宮郡人程生  
 雲賦有遵民免難篇雲南通志崇禎癸酉舉人任四

國朝

川遵義推官以廉幹稱擢遵義兵巡道

劉彪雲南通志字玉菴建水人天性孝友丁亥  
 流寇破臨安其弟被掠彪以身易弟歸養母流離黔  
 蜀者數年及王師平蜀彪率眾投誠以功授分巡遵  
 義道修學禮士安民靖寇遵人感之康熙戊申裁缺  
 家居好善樂施會吳逆叛欲餌以官卻之人稱為清  
 節名臣遵郡紀事彪奉職六年關防嚴肅  
 明 遵義府

劉安仁陳志播平初知遵義府執法鋤兇不避嫌  
 怨不事倂仰善良獲安而有卻者危中之恚恨以卒  
 人至今惜之  
 周作樂雲南通志萬曆壬午舉人知巴縣政事廉  
 平升知澤州綜核繁劇有聲晉戶部員外陞工部郎  
 中會計營繕有條理出知遵義府所至以誠感人遵  
 人化之母老乞歸遂不出仕纂江志字和宇雲南昆  
 明縣人初知鶴縣報最特補郡丞萬曆二十七年播  
 賊躡碁神宗震怒命八路會勦戎事孔急下邑非才  
 幹人不堪任乃以周攝縣事王師臨渝更畫平酋諸

策當事再三稱善旋卽開拓新疆添設郡縣百務蟬  
集凡諸善後事宜罔不貼妥天子下璽書加勞賜黃  
金彩幣以酬勳伐至萬曆三十四年望遵義太守去  
邑人爲立生祠

孫敏政

陳志湖廣興國人以重慶府同知承檄入

播凡善後事多藉理焉監督丈量身親阡陌經理賦

役悉心計籌務求妥便不苟且塞責尤爲百世利賴

尋望遵義知府通志敏政爲府絕苞苴禁饋獻嚴構

訟鉏豪猾拯疾苦恤災祲

黃立言 陳志江西廣昌縣舉人辛未年任遵義知

遵義府志

卷三十

官續二

五

府清介飭躬勸農息訟重情必讞刻木隸爲差不用  
勾攝平情剔奸瘡痍得安在席考秩著天下清官第  
二郡人至今頌德

馮鳳雛

明史朱燮元傳奢崇明再陷遵義殺推官

馮鳳雛

蘇樸 明史張振德傳遵義司獄蘇樸義不污賊

墜城死按凡附載張振德傳者並死於奢崇明之叛

程聖訓 通志字心魯貴陽人性謙和汎愛不欺以

歲薦知巴縣賊破城聖訓抱印投水流三十里如有  
物負之得不死歷遵義守潔已愛民人皆呼爲老佛

卒於官貧不能殮子春翔舉於鄉春化由明經授四  
川仁壽令值寇亂城陷整衣冠向闕再拜自經死春  
躍亦以明經官縣令孫桂蕃亦舉於鄉

常三錫 遵郡紀事江西舉人崇禎中來守遵義一

介不與取法治禁令教養爲先詞訟呈入卽准有關

重事卽提審結無情細故准而不行謂不准批出必

使原告之心反熾存之以起疑畏事延日久暴怒自

消而訟息矣往往以此意勸民天下清官著爲第一

有子來任匝月出俸十金諭曰此君恩也付爾還家

子吉以費不足斥曰吾作好官爲遺福爾輩言不足

遵義府志

卷三十

官續二

六

是欲我於民取之卽取之爾輩豈能長遠哉爾輩當  
於讀書行德內求之方是真福倚父爲官是假福耳  
終何爲書吏共歎息釀金呈進斥云汝等此意使吾  
子人人欲益不肖多矣且吾有子十人今與多金是  
爲未來者開之端也終不允其座銘云若要利息便  
無子息若要子息便無利息守罷十年囊如貧士十  
子進士三舉人五廩生二去郡時年七十郡人立生  
祠於城隍廟右

國朝

郭友龍 遵郡紀事北直人通志河歲貢康熙九年



知遵義府賞罰嚴明紀綱秩然望承寧道去任

李師沆 遵郡紀事湖廣人通志陝西蔭生康熙二

十四年知遵義府凡三知理事批狀簽票拘兩造證

佐畢集然後勉日升堂人役序班從容鞫斷案結已

各取保乃得釋一件之延動以月計雖小民冤抑得

伸即飲食費已不貲矣曠時失業更不待言師沆鑒

此獨一切不然有控隨到隨審隨結隨釋一二年間

案牘漸少於同官中傲上漫下以權務與通判朱焜

皆被議去官羅兆姓署府李公壽序癸亥冬探木使

者入遵簡幹吏與偕遼左李公以合江令從一時虎

遵義府志

卷三十

宦績二

七

而冠者所在駟騫公匡救幹旋為德於遵甚鉅遵民  
呼天祝曰安得是人守我遵乎天何不以畀我越十  
有五年公果以益州司馬來攝郡篆父老子弟寒惟  
審視歡相告曰曩者德我之人至矣豈天真以畀我  
耶而公歷舊遊誦子瞻所至如歸之句亦良自喜於  
是革稗政除蠹胥清糧弊凡少有便於民者無不力  
行而明察震厲之中一以安靜休養為事蓋三越月  
而遵大治遵人知不可以久稽也羣在省會乞中丞  
專疏題而公嶽降宸在春三月因述情走書乞予  
言以壽予笑曰天下當為天下用豈遵人所得而

而私者然遵人望公而公果至則謂公亦必或謂眾

疏入請所願而後乃今天真以公畀遵矣周公之在

東也東人恐其歸爰有衮衣之歌孔子攝相三月魯

人亦歌衮衣不知遵人今亦有歌詩否當時周公之

去孔子之攝亦有制制具詞於成王魯公之前乞去

者暫留攝者即真否古今人同不同未可知也夫人

所樂得而謂者天自樂而壽之此必然之理也宋人

訓天為理豈誣也哉余言不敢諛書此壽公他年傳

循良者或於此乎採擇也

蔡毓華 正安志燠軍正白旗人康熙十九年同兒

遵義府志

卷二十

宦績二

八

綏遠將軍毓榮恢復雲貴賊平復安反側籌兵食給  
牛種勤耕作創定規條滇黔仰賴遵郡紀事毓華以  
康熙二十七年知遵義府在任三年輕徭薄賦禮士  
親賢囹圄空虛杖校生靈二十九年東隅里報產丹  
砂求設廠毓華曰丹出於土厚薄未可知廠額一定  
勢必取盈且今日廠成明日匪徒畢集無論砂給不  
給終必累民隨諭封禁貪民涎利不巳私聞大吏毓  
華力詳止之旋卒官遵人若喪父母立祠祝釐寺右  
偏奉祀隨公請准入名宦祠陳懷仁蔡公廢祠訛略  
手裁整肅鉅奸惡補良善四野風清各安職業目謙

恭無貴介氣禮賢下士車與文教歷任三載卒

董華祖 遵郡紀事字禹山浙江紹興人由鄉薦官

刑部郎中康熙四十九年閏七月知遵義府甫視事

循例陋弊一切革除隨榜於門曰受詞訟半點私天

誅地滅要兵民一文錢男盜女娼觀者皆吐舌有下

淚者聽斷嚴明賞罰不貸而其慈祥懇摯視兵民疾

苦不啻痲癩在身也獎藉士類孜孜常恐不及遵義

凡官出入夫馬酒食費皆供之民間吏役復浮派之

民往往不堪其擾華祖悉罷免每行縣雞犬不驚歌

頌之篇積成卷軸此梨彼棗禽焉互傳輿情猶覺未

遵義府志

卷三十

官續二

九

仲合詞呈請稍受薪水之助批云探山雖便飲水非

貪而迹設於供應此端一開何事不可接踵而起乎

寧苦一身即到水窮山盡不敢頓改素履也爾等美

意誌諸心版終不允一時賢聲載道稱西蜀廉吏第

一季先立壽童太守序略遵義僻處天末凡徵斂溢

常賦外者不可毛舉上下視為固然莫之或救嗟夫

利之所在其端未兆尚將啓之况積習既成勢將何

所不至哉康熙四十八年酷吏催收誅求無藝縣民

楊君詔等控川撫不允乃走控貴州巡撫劉公蔭樞

有苛求髓盡棄虐投仁之語劉以入告知府王元炳

特簡賢良以惠我民人童公膺其選單車赴任人無迎候之

勞里無供億之擾山谷小民尚不知有新太守視事

首公仁厚恬淡與民休息數月積弊一清偶值久雨

粟米騰貴游手猖狂乘釁劫奪告詞紛積公佯若不

聞也者事稍定急急取其階厲者杖斃之餘黨皆斂戢

斯時也治之稍急則草合易成稍緩則蔓延未已神

明暇豫不動聲色而措全郡於泰山之安有古大臣

從容濟變之風焉三年政成中丞第上公績為九府

最且檄隨疏入覲士民皇皇挽留無計飲食必呼燕

遵義府志

卷三十

官續二

十

會必祝及

天子軫念邊民以公再領原郡遵人聞之莫不舉手加額如

獲再生鳩工庀材建坊表道以志重來之慶公峻拒

之不顧也初郡南突產丹砂奸商蠹販欲擅以牟大

利多方啖公不為動值公北上適撫軍有開設諸廠

繕理茂州城垣一疏豪右乘以鼓動上官信之符牒

口下而公復至竟寢不行呼其人杖遣之其保全我

室廬邱壠使不為奸宄通藪何思深而慮遠也

趙光榮 陝西神木人康熙末守遵義民風土氣多

方救補以府學宮頽圯倡募新建舊時學使供給一